

## **YOMIYEGELE SEWE**

### **SEWE wi nawa senre**

Yomiyegele sewe wi yen nagawa pa mba pi gbogolo pi yee na, ma pye yomiyegele naa nandalengele. Ki yomiyegele ke legere ta ma yiri wa wunlunana Salomo wi yeri (1-29), a kele ta ma yiri wa Aguri wi yeri (30), a kele ta ma yiri wa wunlunana Lemuweli wi yeri (31).

Ki yomiyegele ke yen naga nari we na yege nga na we daga mbaa we yinwege ki piin pilige nungba nungba pyew. Ki yomiyegele kele yen na para seye woolo pe yee sogowo kagala koro na, kele yen na para jawo kapyere na. Tangalomo pi daga mbe pye yege nga na cenwe pi ni, ke legere yen na ko nari fun, konaa ma daga mboon yee yingiwε jen yege nga na ki ni. Senwee wi daga mboo yee go sogo yege nga na, ke yen na para ki wogo ki na, naa mbaa kagala kunni yee ni, naa mbaa fyonwo fenne pe jate konaa tagawa mba pi daga mbe pye wenne sogowo pi wogo ki na. Yomiyegele sewe wi yen naga nari fo senweele pe daga mbaa nga ki daga sanmbala pe ni ki jate, mbe pye mbe go sogo, mbaa kasinnye ki lagajaa, naa kaselege ki ni, konaa kajenme pi ni. Sewe wi lesaga ki yen naga nari we na yege nga na we daga mbege le mbaa jaa, fo:  
Mbaa fye Yawe Yenneye li yege ko ki yen kajenme pi lesaga ye (Yomi 1.7).

Yomiyegele ke gboo yen senre kongolo shyenzhyen, ngele ke ma pye ma yala. Mbe

ke kara go ni mbe ke jen ki yen ma tanla. Wagati wa ni, pe ma yomiyegele ke legerewa na para senre go ka na paa kajenme konaa tijinliwe fu wogo yen (9.1-18), naa katiyongolo ngele ke ma pye jele jenne ni (31.1-31) konaa senre yinre ta yege ni.

### **Sewe wi yen ma koonlo yege nga na**

Kajenme pi daga mbe lagaja 1-9

Wunlunana Salomo wi yomiyegele 10-29

Nana na paa pye na yinri Aguri wo naa

Lemuweli pe senyoro 30-31

Aguri wi yomiyegele 30.1-33

Lemuweli wi no wila wi yeri kagala ngele ni

31.1-31

## **KAJENME PI DAGA MBE LAGAJA**

1-9

*Sewe wi yonlogo go nga na*

<sup>1</sup> Davidi wi pinambyo Salomo na wila pye Izirayeli tara ti wunlunana wi yomiyegele wele†.

<sup>2</sup> Ki yomiyegele ke go ko yen mbaa kajenme kaan senwee wi yeri, mbaa wi nari,

konaa mbaa tijinliwe senyoro ti koro jenni;

<sup>3</sup> mbaa wi nari wila tanri tijinliwe ni,

mbe pye sinne, mbe pye mbe yala, mbaa tanri kaselege ki na;

<sup>4</sup> mbe kambajenmbele pe kan pe jilige,

mbe jenme naa jatere pyelomo jembe kan lefonmbolo pe yeri.

† **1:1 1.1:** 1 Wunlu 5.9-14

- 5 Kajenɲe wi kaa ke nuru, wi ma ka taga wi  
kajenme pi na;  
lere ɲa wi yen ma jilige, ke ma yege sinme kan  
wi yeri.
- 6 Ke ma ti senwee wi maa yomiyegele naa  
nandalengele ke koro jenni,  
mbaa kajenmbele pe senre to naa pe ɲgundo  
senre ti koro jenni.
- 7 Mbaa fyɛ Yawe Yenɲele li yege ko ki yen  
kajenme pi lesaga ye,  
ɛɛn fo lembire ti maa tijinliwe naa nagawa senre  
ti tifaga†.

*Piile pe daga mbaa pe sevenne  
pe yerewe senre ti nuru*

- 8 Na pinambyɔ, toon to wi yerewe senre ti nuru,  
maga ka si je ma no wi nagawa senre ti na;
- 9 katugu ti yen paa wunluwo njala gbogowo wolo  
yen wa ma go ki na,  
ma pye paa fereyaara yen wa ma yologo.
- 10 Na pinambyɔ, na kapere pyefenne pe kaa jaa  
mboon fanla mboon pungo,  
maga ka yere ki na.
- 11 Na paga ma pye mbe yo fo: «Shokari, we sa  
lara we lere wa sige, woo gbo;  
we sa mere jan, we to lere ɲa wi yen jeregisaga  
fu wa na go fu.
- 12 We pe tongo weele mbe pe ko, paa yege nga  
na kunwo ma kaa leele ko ma kari pe ni  
kuulo tara,

---

† 1:7 1:7: Zhɔbu 28.28; Yuuro 111.10; Yomi 9.10

mbe pe kɔ mbe pe wɔ wa, paa yegɛ ɲga na pe  
ma kaa gboo le fanga we;

<sup>13</sup> kona, pa we yaa yarijendɛ ti cɛnɛ pyew ta ta,  
mberi koli mbe we yinrɛ ti yinyin ti ni.

<sup>14</sup> Mboro fun ma yaa ma tasaga ta wa ti ni we ni,  
ki penjara ti yaa pye we ni fuun woro.»

<sup>15</sup> Na pinambyɔ, maga kaa tanri ki leele cɛnɛ pe  
ni,

ma jele li wɔ wa pe konɔ li ni pew;

<sup>16</sup> katugu pe yɔngɔɔ kɛ wege kapege pyege ki na,  
pɛ wege legbogo ki na.

<sup>17</sup> Mbe mɛrɛ ti jan sannjɛɛ li na li yegɛ na,  
ko mɛrɛ to jan wagafe.

<sup>18</sup> Ɛɛn fɔ ki leele mbele pe yɛn na lara na leele  
singi mbe gbo, poro yɛrɛ jate pe yaa pe  
gbo;

mɛrɛ nda pe yɛn na jaan, ti yaa ka poro yɛrɛ jate  
pe yigi.

<sup>19</sup> Mbele fuun pe maa tɔnli pee jaa, pa pe wogo  
ki yaa ka kɔ yɛɛn;

tɔnli pee wi ma kaa wi tafɔ wi gbo.

*Kajɛnmɛ pi maa we yɛrɛgi*

<sup>20</sup> Kajɛnmɛ pi yɛn na jɔrɔgi ɲgbanga wa ca nawa  
kongolo ke ni,  
pi magala li yɛn na yinrigi ɲgbanga wa katoro ti  
ni.

<sup>21</sup> Pi yɛn na jɔrɔgi ɲgbanga wa janwa lara ti na,  
pi yɛn naga yuun leele pe kan wa ca ki mbogo  
yeyɔnrɔ ti na fɔ†:

<sup>22</sup> «Yoro kambajɛnmɛɛ wele, kambajɛnmɛ pi  
yaa ye ndanla fɔ sa gbɔn wagati wiwiin?

---

† **1:21 1.21:** Yomi 8.1-3

Yoro mbele ye maa tɛgɛ leele na, ye yaa la  
yɔgɔri wa ki titegere ti ni fo sa gbɔn wagati  
wiwiin?

Yoro lembire re, kajenme pi yaa ye mben fo sa  
gbɔn wagati wiwiin?

<sup>23</sup> Ye songoro ye pan yanla yerewe senngbanra  
ti logo.

Ye wele, mi yaa na yinne li tirige ye na.

Mi yaa ti yanla senre ti jen.

<sup>24</sup> Eɛn fo ki kaa pye mi ye yeri, a ye je,  
a milan kee ki sanga ye kan, lere kpe sigi jate;

<sup>25</sup> ki kaa pye ye je na yerewe senre ti ni fuun ti  
na,

yee si yenle na korowo senre ti na;

<sup>26</sup> ki kala na mi fun, mi yaa kaa tɛgɛ ye na, na  
jɔlogɔ ki ka ka to ye na sanga na ni we,  
mi yaa kaa ki la koo ye na, na fyere gboro ka ka  
ye yigi sanga na ni we.

<sup>27</sup> Na fyere gboro ka ye yigi paa tifelingbogo yen,  
na jɔlogɔ ka to ye na paa tifelinjolo yen,  
na yesanga naa jatere piriwen ka ka to ye na,  
pa mi yaa kaa ki la koo ye na fun.

<sup>28</sup> Kona pe yaa kanla yeri mbe pe saga, eɛn fo mi  
se kaga sho;

pe yaa kaa na lagajaa, eɛn fo pe se kanla yan.

<sup>29</sup> Katugu pe je kajenme pi na,  
pee yenle mbaa fyɛ Yawe Yenɲele li yege,

<sup>30</sup> katugu pee yenle na yerewe senre ti ni fuun ti  
na,

panla korowo senre ti tifaga.

<sup>31</sup> Ki kala na, pe yaa ka pe kapyere ti tonli wi ta;  
pe yera yerewe senre ti tonli wo pe yaa ka li  
mbe tin wi na,

<sup>32</sup> katugu lembire ti ka punḡo le kajenme pi ni,  
ki ma kaa ti gbo,  
kambajenmbele pe jatere mbatawa pi ma kaa pe  
tongɔ.

<sup>33</sup> Εεν fɔ lere ḡa kaa nuru na yeri, wi yaa pye  
mbe cen yeyinḡe na pɔw;  
wi yaa pye mbe cen pɔw, wi se fyε tipege kpε  
yεγε.»

## 2

### *Kajenme pi ma lere sho kapege ki ni*

<sup>1</sup> Na pinambyɔ, na maga yenle na senre ti na,  
na maga na ḡgasegele ke yigi mbaa tanri ke na,

<sup>2</sup> na maga nunḡbolo jan mbaa kajenme senre ti  
nuru,

na maga ma kotogo ki yaga kila jenme pi jaa,

<sup>3</sup> na maga tijinliwe pi yeri pɔɔn saga,

na maga ma magala li yirige mbe kagala kɔrɔ  
jenme pi lagaja pɔɔn saga,

<sup>4</sup> na ma kaa pi lagajaa paa warifuwe yen,

na ma kaa pi lagajaa jenḡe paa yarijende nda ti  
yen ma lara ti yen,

<sup>5</sup> kona, mbaa fyε Yawe Yenḡele li yege pa ma yaa  
ki kɔrɔ jen,

kona mbe Yenḡele li jen.

<sup>6</sup> Katugu Yawe Yenḡele lo li maa kajenme pi kaan,  
kajenme naa jenme pa pi maa taa na yinrigi wa  
li yɔn senre ti ni.

<sup>7</sup> Li ma showɔ kan lesinmbele pe yeri;

mbele pe tangalɔmɔ pi yen ma sin, li yen pe  
tugurɔn sigeyaraga na pe go singi.

8 Mbele pe maa tanri kaselege kono li na, li maa wele pe na,  
nali lesinmbele pe kono li korosi.

9 Ki ka pye ma, pa ma yaa kasinŋe ki korɔ jɛn,  
naa ŋga kɪ yala ki ni,  
naa kaselege konaa kongolo ŋgele ke ma lere wogo yon ke ni.

10 Kona, kajɛnmɛ pi yaa pan wa ma kotogo na,  
jɛnmɛ pi yaa ma ndanla wa ma kotogo na.

11 Kagala ke cancan jatere pyelomɔ jɛmbɛ pi yaa  
koon sho punŋuwɔ pi ni,  
kagala korɔ jɛnmɛ pi yaa loon go singi.

12 Pi yaa ma sho kombele li ni,  
mboon sho senpere yofenne pe keɛ,

13 mboon sho mbele pe ma kaselege kono li wa  
pe keɛ,  
naa mbele pe maa tanri wa diwi kono li ni pe keɛ.

14 Poro mbele pe maa kapege ki piin na yɔgɔri  
wa ki ni,  
na kajagara ti piin na nayinmɛ nii wa ti ni.

15 Ki leele wele, kongolo ŋgele ke ma lere pungo  
koro pe ma lɛ,  
pe maa tanri kongolo ŋgele na, ke yen ma koolo koolo.

16 Ki ka pye ma, pa ma yaa ma yɛɛ sho nanjaa wi  
keɛ,  
ki jɛlɛ nambanŋa ŋa wi yon kɪ tanla wi keɛ.

17 Wo ŋa wi je wi sumborowo sanga polɔ wi na,  
ma fege yon finliwe mba wila le wi Yenŋele li ni  
pi na.

18 Wi go ki konɔ li yen na kee wa kunwɔ pi yeri; konɔ na wì lɛ, li yen na kee wi ni wa kuulo tara.

19 Mbele fuun pe maa yiin wi kɔrɔgɔ, wo wa kpɛ na songɔrɔ mbe pan naa, wo wa kpɛ se yinwege konɔ li ta naa.

20 Ki kala na, maa tanri wa lejembɛlɛ pe kologo ki ni, ma koro wa lesinmbele pe konɔgolo ke ni.

21 Katugu lesinmbele poro pe yaa cɛn laga tara ti ni, mbele pe nawa pì filige pe na, poro pe yaa ka koro wa ti ni.

22 Ɛɛn fɔ lepeepe pe yaa ka pe mbe wɔ laga tara ti ni, mbasinmbele pe yaa ka kɔ mbe wɔ laga ti ni.

### 3

#### *Mbe kajɛnmɛ ta*

#### *konaa mbaa fyɛ Yɛnɛɛlɛ li yɛgɛ*

1 Na pinambyɔ, maga ka fɛgɛ na nagawa sɛnrɛ ti na, na nɔgasegele ke tɛgɛ wa ma kotogo na maa tanri ke na;

2 katugu ki sɛnrɛ ti yaa yinwetɔnɔlɔgɔ kan ma yeri, mbe ka taga ma yinwege piliye yi na, mbe yeyinɛgɛ kan ma yeri.

3 Maga ka ti kagbaraga pyege konaa mbe pye tagawa ni tɔɔn la, mari pye fereyaara wa ma yɔlɔgɔ, ma ti ti cɛnsaga ta wa ma kotogo na.

4 Kona, ma kala li yaa Yɛnɛɛlɛ li ndanla mbe sɛnweele pe ndanla,



pe yaa loon jate tijinliwe fo†.

<sup>5</sup> Ma jigi wi taga Yawe Yenñele li na ma kotogo ki ni fuun ni,  
maga ka kee kan ma yeera tijinliwe po na.

<sup>6</sup> Ma li wogo ki tege wa ma jatere wi na ma kapyege ki ni fuun ni,  
ki ka pye ma, li yaa ma kongolo ke yon yala ma kan.

<sup>7</sup> Maga kaa ma yee jate kajenne,  
een fo ta fye Yawe Yenñele li yege,  
mooyee laga kapege pyege ki na†.

<sup>8</sup> Ko ki yaa ma wire ti sagala,  
mboon kajeere ti kan fannga ni.

<sup>9</sup> Ta Yawe Yenñele li gbogo ma kee yaara ti ni,  
maa li gbogo ma keere yarilire pyew ti kongbannda ti ni.

<sup>10</sup> Pa kona ma bondoolo pe yaa yinyin yarilire ti ni fo mbaa wuun,  
ma kopere ti yaa yinyin erenzen pire tonmo pi ni fo mbaa wuun.

<sup>11</sup> Na pinambyo, maga ka Yawe Yenñele li korowo pi tifaga,

maga ka ti li yerewe senre ti pye tege ni ma yeri†;

<sup>12</sup> katugu na wi yen ma Yawe Yenñele li ndanla, li maa koro,

paa yege nga na pyo na wi yen maa to ndanla wi maa wi koro we†.

---

† 3:4 3.4: Luki 2.52 † 3:7 3.7: Oromu 12.16 † 3:11 3.11: Zhobu 5.17 † 3:12 3.11-12: Ebu 12.5-6; Naga 3.19

*Kajenme pi tonli wi yen ma gbogɔ*

<sup>13</sup> Lere ɲa ka kajenme pi ta, ferewe yen wi woo, lere ɲa ka tijinliwe pi ta, ferewe yen wi woo!

<sup>14</sup> Katugu pi tawa pi mbɔnrɔ ma we warifuwe tawa na,

tonli ɲa wi maa taa wa pi ni, wi we te na.

<sup>15</sup> Kajenme pi sɔɲɲɔ kɪ ɲɔɲɔ ma we somu sɔɲɲɔɲɔ woo na;

yaraga ɲa fuun ma yege maa yinrigi ki na, ko ka kpe woro kayɔɲɔ ni mboo bɔ.

<sup>16</sup> Yinwetɔnɔɲɔ maa taa wa pi kalige kee ki ni, yarijende naa gbogɔwo maa taa wa pi kameɲɲe kee ki ni.

<sup>17</sup> Pi maa kee senwee wi ni koɲɔlo ɲgele ni, ke tangala yen ma tanla;

yeɲinɲɲe yen wa pi kombigile ke ni fuun ke ni.

<sup>18</sup> Pi yen yinwege tige ma mbele kaa yigi pe kan, mbele kaa yigi mbe koro pi na, ferewe yen pe woo.

<sup>19</sup> Yawe Yenɲele li tara ti nɔɲɔ ki tenge kajenme po fanɲa na;

tijinliwe po fanɲa na, li naayeri wi gbegele maa tege.

<sup>20</sup> Li jenme po fanɲa na, tara ti nɔɲɔna tonmo were ti yengele;

po fanɲa na kambaara ti maa fɔɲɲɔ wuun.

*Yenɲele lo*

*li maa kajenɲe wi go singi*

<sup>21</sup> Na pinambyɔ, tijinliwe po naa jatere pyelɔmo jembe pi yigi ma mara pi na,

maga ka ti pi lali ma ni.

<sup>22</sup> Ti yaa yinwege kan ma yeri, mbe pye fereyaara wa ma yolɔɲɔ.

23 Pa kona ma yaa la tanri wa ma konɔ li ni  
yeyinŋge na pɔw,  
ma se kurugo yaraga ka kpe na.

24 Na maga sinle, ma se ka fye yaraga ka kpe na,  
na maga sinle, ma yaa wonlo yinŋge.

25 Fyere kala koon fo, maga ka fye;  
nakoma na lepeele paga yiri ma korogo, maga ka  
fye;

26 katugu Yawe Yenŋele li yaa pye ma jigi  
tagasaga,  
mbaa ma tologo ki korosi kiga ka ye penɛ.

*Ma lewee yenle*

*wi daga mboon ndanla*

27 Na kaa pye lere wa daga ma kajenge pye wi  
kan,

na ki fannga ka pye ma ni, maga pye wi kan,  
maga ka je mbege kajenge ki pye wi kan.

28 Maga koon lewee yenle wi pye mbe yo fo:  
«Kari ma songoro ma pan, goto mi yaa ki kan ma  
yeri,»

mbe sigi ta yaraga yen ma yeri maa kan.

29 Maga ka kapege jate ma lewee yenle wi ni,  
wo ŋa wi yen ma cen le ma tanla, maa jigi wi  
taga ma na we.

30 Maga ka win lere ni go fu,  
ŋa wii kapege kpe pye ma na.

31 Maga ka yege yirige lewelewe wa na,  
maga kaa tanri wi tangalomɔ pa kpe na.

32 Katugu lepeele pe kala li yen ma tijanga Yawe  
Yenŋele li yege na;

ɛɛn fo li ma weenre le lesinmbele poro ni.

33 Yawe Yenŋele li ma lepee wi go ki danga,

εεν ƒo li ma duwaw lesinne wi go ki na.

<sup>34</sup> Mbele pe maa tege li na, li maa tege pe na fun, εεν ƒo mbele pè pe yee tirige, li yen na yinne kaan pe yeri†.

<sup>35</sup> Kajenmbele pe yaa gbogwo ta korogo, εεν ƒo lembire to yaa fere gboro sho.

## 4

### *Pinambyo wi ma kajenne ta*

#### *wi to wi yeri*

<sup>1</sup> Na pinambiile, yaa ye to wi nagawa senre ti nuru, ye nungbogolo jan yaa nuru, ye ta ye pye tijinliwe fenne;

<sup>2</sup> katugu mi yen na jenne jembe kaan ye yeri, ki kala na, yaga ka je na nagawa senre ti na.

<sup>3</sup> Mi fun, mila pye pinambyo na to wi yeri, na kala laa na no wi ndanla paa pinungbanna yen.

<sup>4</sup> Na to wila pye nala nari na yuun fo: «Na senre ti yigi mari tege wa ma kotogo na; ta tanri na ngasegele ke na, pa ma yaa yinwege ta.

<sup>5</sup> Kajenne pi lagaja, ma tijinliwe pi lagaja, maga ka fege na yon senyoro ti na, maga si ka laga ti na.

<sup>6</sup> Maga ka laga kajenne pi na, pa pi yaa la wele ma na;

pi yaga poon ndanla, pa pi yaa loon go singi.

<sup>7</sup> Kajenne pi lesaga koyi nga fo ma bala ma kajenne pi lagaja;

ma yaritaga ki ni fuun ki ni, tijinliwe pi lagaja.

† 3:34 3.34: Zhaki 4.6; 1 Pye 5.5

8 Ta kajenme pi jate kagbogo yon, pa pi yaa ma mege ki yirige; na maga pi yigi keyen shyen, pa pi yaa gbogowo kan ma yeri.

9 Pi yaa pye paa fereyaraga tiyongo yen wa ma go ki na, mbe pye paa wunluwo njala gbogowo wolo yen wa ma go ki na.»

*Kajenme pi yaa yinwetonlogo kan ma yeri mbaa ma korosi*

10 Na pinambyo, nungbolo jan mala senre ti logo, pa ma yaa yinwetonlogo ta.

11 Mòò naga kajenme konò li ni, mòò yege sin wa kasinnye konò li ni.

12 Na ma kaa tanri, yaraga ka soon yege kon; na ma kaa fee, ma se kurugo mbe to.

13 Nagawa senre nda ti kan ma yeri, ti yigi jenge, maga ka ti ti sho ma yeri; mari yigi tiyongo, katugu ma yaa yinwege ta to fannga na.

14 Maga kaa tanri wa lepeepe pe konò li ni, maga ka kapere pyefenne pe tulugo ki le.

15 Ki konò li yan mali yaga wa, maga ka toro wa li ni;

ke ma lali li ni, maa kee ma konò.

16 Katugu ki leele paa ya wonlo na pe fa kapege pye,

wonlowo na pe yigi na pe fa tipege pye lere wa na;

17 katugu tipewe pyewe po pi yen pe yaakara re, lewelewe kapyere pyege ki maa yinrigi pe ni paa duven wogo yen.

- 18 Lesinmbele pe tangalomo pi yen paa lalaaga yanwa yen;  
ki yanwa pi maa yinrigi na kee yegε fɔ mbe sa gbɔn yɔnlɔfugo na.
- 19 Lepeelee pe tangalomo pi yen paa diwi yen, yaraga n̄ga ki yaa pe kan pe kurugo pe to paa ki j̄en.

*Ma tangalomo pi yaga pi koro jembe*

- 20 Na pinambyɔ, tanla senre ti nuru j̄en̄ge, nun̄gbolo jan mala senyoro ti logo.
- 21 Maga ka ti ti f̄egε ma ni fyew, ti t̄egε wa ma nawa pi ni;
- 22 katugu mbele fuun pe ma yen̄le ti na, ti ma yinwege kan pe yeri, mbe n̄gbanwa kan pe yeri wa pe wire ti ni.
- 23 Jatere n̄a wa ma kotogo na, taa k̄ɔrɔsi ma w̄ε yaraga ki ni fuun ki na, katugu pa ma yinwege kagala ke maa yinrigi wa ma kotogo ki ni.
- 24 Ma yɔn ki yingiw̄ε j̄en yagbogowo senre ti ni, ma lefanlaga senre ti lali ma yɔn ki ni.
- 25 Ta wele wa ma ȳεε yegε, maa kee, ma yenḡele ke kan maa wele wa ma ȳεε yegε.
- 26 Konɔ na ma yaa le, li gbeḡele mali yɔn yala, pa kona ma kon̄golo ke ni fuun ke yaa pye mbe sin†.
- 27 Maga ka k̄ε mbe kari kalige na nakoma kamēn̄ge na, ma ȳεε laga lali kapege ki ni.

---

† 4:26 4:26: Ebu 12.13

## 5

*Mbaa ma yeε kɔrɔsi  
jɛle kalikalifo wi ni*

<sup>1</sup> Na pinambyɔ, na kajenmε senrε ti logo,  
ma nungbolo jan mala tijinliwε senrε ti logo;

<sup>2</sup> Jango ma jatere pyelɔmɔ jembe ta,  
kajenmε senrε mbaa yinrigi wa ma yɔn.

<sup>3</sup> Katugu jɛle kalikalifo wi yɔn senrε tì tanla ndεε  
senrege yi;

ti ma wɔlɔgɔ paa sinmε fawoo yen.

<sup>4</sup> Eεn fɔ wa kala li kɔsaga, ti ma sori paa  
kurugbege yen,

wi yɔn senrε ti maa sugulo paa tokobi yɔn shyen  
fɔ yen.

<sup>5</sup> Wi tangalɔmɔ pi maa kee wa kunwɔ pi yeri,  
wi yɔngɔlɔ ke ma sin na kee wi ni wa kuulo tara.

<sup>6</sup> Konɔ na li maa yinwege kaan, wila lo le,  
wi ma pungo wi konɔ li na, wila sigi jɛn.

<sup>7</sup> Koni na pinambiile, yaa nuru na yeri,  
yaga ka je na yɔn senrε ti na.

<sup>8</sup> Ma konɔ li laga lali ki jɛle cɛnlε wi ni,  
maga ka fulo wa wi go yeyɔngɔ ki tanla.

<sup>9</sup> Jango maga kɔɔn gbɔgɔwɔ pi kan leele pele  
yege yeri,

mbe ti nana yinriwε mbataa wa mbɔɔn yinwege  
ki jɔgɔ ma yeri;

<sup>10</sup> Jango cengele kele yege woolo ka ka pan mbe  
tege nɔga mà te ki yarijendε ti koli mberi  
ta;

ma tunngo ki tɔnli wi kari pele yege yinrε ni.

<sup>11</sup> Jango wa ma yinwege ki kɔsaga maga kaa jɛen,

na ma fanŋga kiga ka kɔ, a ma wire ti te ma na we.

12 Janŋo maga ka yo fɔ: «Ki pye mɛɛ, a mi si je nagawa sɛnrɛ ti na?

Ki pye mɛɛ, a yɛrɛwɛ sɛnrɛ ti silan mben?

13 Ki pye mɛɛ mii si yenlɛ mbanla nagafɛnnɛ pe sɛnrɛ ti logo?

Mii si yenlɛ mbe nunŋbolo jan, mbanla karafɛnnɛ pe nagawa sɛnrɛ ti logo?

14 Ki koro jenri anmɛ mi jɔŋɔ ma kɔ ma wɔ wa pew,

wa na woolo pe gbogolomɔ woolo pe sɔŋwɔ.»

*Ma pye sinŋɛ ma jɔ wi ni*

*kɔnaa wɔɔn ndanla*

15 Ma yɛɛra tɔnmɔ wege ta ko tɔnmɔ po woo, tɔnmɔ mba pila pulo na yinrigi wa ma kɔlɔ wi ni, maa po woo†.

16 Yinŋi na mɛɛ ma pulugo tɔnmɔ pi yaga, pila wuun funwa na jaga?

Yinŋi na mɛɛ ma lɔŋɔ tɔnmɔ pi yaga pila fuun, mbaa kee wa katoro ti ni†?

17 Ki tɔnmɔ pi daga mbe pye mboro nunŋba woo, pii daga mbe pye leele pele yɛɛ woo.

18 Yenŋɛɛ sa duwaw ma pulugo ki na, jeɛ ɲa mà pɔri ma lefɔnrɔ sanga wi ni, ta yɔŋɔri wi ni!

19 Wi yen ma yɔn paa lufanɔ yen, paa dagbɛ nɔ tiyɔɔn yen.

Wi tiyɔnwɔ pɔɔn yenlɛ tin fɔ sanga pyew,

† 5:15 5.15: Ki verise ɲa wi yen na para nanja naa wi japɔrɔwɔ poro sinlesaga wogo na. † 5:16 5.16: Ki verise ɲa wi yen naga nari ma yo lere ɲa wi pɔrɔŋɔ pye, wii daga mbe kari jeɛ nakoma nanja wa yɛɛ kɔrɔŋɔ.



wi ndanlawa pi nayinme kan ma yeri fo sanga pyew.

<sup>20</sup> Na pinambyo, yingi na mee sa yege yirige jele kalikalifo wa na?

Yingi na mee sa jele wa yege yinngede yigi?

<sup>21</sup> Katugu Yawe Yenngede li yege yen senwee wi kongolo ke na,

li maa wi kongolo ke ni fuun ke yaan.

<sup>22</sup> Lepee wi yera kajogoro ti maa yigi paa peneyen,

wi yera kapere ti ma pye mangala maa po.

<sup>23</sup> Wi yaa ku wi mbakorowo pi kala na, mbe ko mbe wo wa, naa wi yen lembige ma toro ki kala na.

## 6

### *Na maga yon folo kon mali ton*

<sup>1</sup> Na pinambyo, na maga yere ma lewee yenle wa fogo kala ni, mbe yo ma yaa ki ton, na maga kee le lere wa yege kee, mbe yon kan wi yeri, mbe yere wi fogo kala li ni;

<sup>2</sup> na ma yon senre tiga ma yigi wa ki kala li ni, na ma senyoro tiga ma po;

<sup>3</sup> na pinambyo, ma yaa ki pye yege nga na mboon yee wo wa ki kala li ni, koyi nga yeen:

Ki kaa pye mdo yee le ma lewee yenle wi kee mak,

kari wi korogo, ma soon yee tirige wi nogo, maa yenri ngbanga.

<sup>4</sup> Maga kaga yaga wonlowo mboon yigi, maga kaga yaga wonlowo poon yengede ke ton, na ki kala li fa yege wo.

<sup>5</sup> Ma yee sho wi yeri paa yee nga na lufaa ma  
kaa wi yee sho koniyeen yeri we,  
paa yee nga na sannjele ma fegele mali yee sho  
li yigifo yeri we.

*Ma yee yigi, maga ka pye tiyanja*

<sup>6</sup> Mboro tiyanja, kari ma sa mimbele pe wele;  
ma pe tunmbyege ki wele, ma kajenme ta.

<sup>7</sup> To woro pe go na,  
tunngo welefo woro pe go na, yeefo woro pe  
yeri.

<sup>8</sup> Een fo, pe ma pe yaakara ti wulo mari tege  
kanga na;  
pe ma pe yaakara ti gbogolo yarilire konsanga  
ni.

<sup>9</sup> Mboro tiyanja, ma yaa koro mbe sinle fo sa  
gbon wagati wiwiin?  
Ma yaa ka yen mbe yiri wa wonlowo pi na wagati  
wiwiin?

<sup>10</sup> Mbe wonlo jenri, mbe wonlo mbe tigi jenri,  
mboon keyen yi migi yi yee ni, mbe sinle jenri.

<sup>11</sup> Maga koro ko na, fyonwo pi yaa ka pan mboon  
fo paa yoo ma kaa lere fo we,  
jologo ki yaa pan mboon fo paa malingboon  
benjanri pyefo ma kaa lere fo we†.

*Lepee wi wogo ki se yon*

<sup>12</sup> Lejaga ngbali, wo na wi woro ma sin,  
wi maa yanri na toro yagbogowo senre ti ni wa  
wi yon.

<sup>13</sup> Wi maa wi yengele ke gboonngboon na senre  
ta yuun,  
na para tooo ni,

† 6:11 6.10-11: Yomi 24.33-34

na kacɛn wa piin wi yombɛgɛlɛ ke ni na sɛnrɛ ta  
yuun.

14 Nambara wi yɛn wa wi kotogo na,  
kapege pyewe po wi maa jate sanga pyew,  
na leele pe pinri.

15 Ki kala na, jɔlɔgɔ ki yaa ka to wi na le yɔngɔlɔ  
nungba ke ni;  
wi yaa ka tɔngɔ mbe wɔ wa yɔnlɔ nungba, wɛrɛ  
se ka pye ki na.

*Kagala kɔlɔshyɛn  
ɲgele kee Yɛnɲɛlɛ li ndanla*

16 Kagala kɔgɔlɔni yɛn wa, ɲgele ke yɛn ma Yawe  
Yɛnɲɛlɛ li mbɛn;  
ke yɛrɛ mbe kɔlɔshyɛn bɔ, ɲgele ke yɛn ma  
tijanga li yɛgɛ na:

17 Lere ɲa wi maa yɛgɛ tungu leele na, yɔn ɲga  
ki maa finlɛlɛ,

ɲa wi ma lere ɲa wi yɛn jɛrɛgisaga fu wi gbo,  
18 lere ɲa wi kotogo ki maa kapege gbɛgɛlɛ mbe  
pye,

lere ɲa wi yɔnlɔ li wege kapege pyege ki punɲo  
na,

19 sɛrɛfɔ yagboyoo ɲa wi maa yagbogolo finlɛlɛ,  
konaa ɲa wi maa leele pinri pe yɛɛ ni.

*Ma yɛɛ yigi kalikalawa pi ni*

20 Na pinambyɔ, tɔɔn to wi yɛrɛwɛ sɛnrɛ ti nuru,  
maga ka si je ma nɔ wi nagawa sɛnrɛ ti na.

21 Ki sɛnrɛ ti gbɛgele mari tɛgɛ wa ma kotogo na  
sanga pyew,

mari pye fɛrɛyaara wa ma yɔlɔgɔ.

22 Na ma kaa tanri, ti yaa lɔɔn yɛgɛ sinni,  
na maga sinlɛ, ti yaa lɔɔn go singi,

na maga yen mbe yiri, ti yaa la para ma ni.

23 Katugu ki yerewe senre ti yen paa fitanla yen, ki nagawa senre ti yen paa yanwa yen, yerewe mba pi maa taa wa ki korowo pi ni, pi yen yinwege konɔ.

24 To ti yaa ma sho jele kalikalifo wi yeri, mboon sho nambannjo yon tangafɔ wi yeri.

25 Maga ka yege yirige wi na wa ma kotogo na wi tiyonwo po kala na, maga ka ti wi la mboon ta wi welelɔmɔ po kala na.

26 Katugu nanjaa wi ma lere wi kee yaara ti li mberi ko pew, mboo yaga singbele nungba ni kee;

een fo japɔrowɔ na wi yen nandaa, wo ma lere wi yinwege nga ki yen kagboɔ yon ma we yaraga ki ni fuun na ki le jologɔ.

27 Naga yen ma, lere mbe ya mbe kason le wa wi jufa wi ni, na wi yaripɔrɔ tii sogo le?

28 Naga yen ma, lere mbe ya tanga nanjanra na, na ti suu toorɔ ti sogo le?

29 Lere na wi ma fili wi lewee yenle wi jo wi ni, pa ki yen ma fun; lere o lere ka jiri wi lewee yenle wi jo wi na, wi se koro mbajolowɔ.

30 Yoo na fungo wi yigi, a wi saa yu ma ka fungo ki kala na, pe se ya mboo tifaga.

31 Konaa ki ni fuun, na paga wi yigi, yaraga nga wi yu, wi yaa ki yongo kolɔshyen sara, wi yaa wi go yaara ti ni fuun ti kan.

<sup>32</sup> Lere ɲa ka wa yege jo ta, wi yen tijinliwe fu fo; lere ɲa wi maa ko piin, wo yen na wi yee jogo.

<sup>33</sup> Ki lerefo gbɔnrɔ naa fere ti yen wi woro, ki fere ti se ko wi na fyew.

<sup>34</sup> Katugu yenjara ti ma japolɔ wi nangbanwa pi yirige fo ma toro; wi kaa jaa mboo kayanga ki wo pilige ɲga ni, wi se lere yinriwe ta.

<sup>35</sup> Ali maa kan yingi yarikanga ni, wi sege jate; ali ma yarikanra ti lege yege o yege, wi se yenle ti na.

## 7

*Jele keɛnre lifo wi ma lefoɲɔ  
wi fanla mboo le kapege*

<sup>1</sup> Na pinambyɔ, na senre ti le, mala ɲgasegele ke tege wa ma kotogo na.

<sup>2</sup> Maa tanri na ɲgasegele ke na, pa ma yaa yinwege ta; maa na nagawa senre ti korɔsi jenge paa ma yenmbyɔ wi yen.

<sup>3</sup> Mari le wa ma yombegede ke na paa vegenje yen, ma ti ti censaga ta wa ma kotogo na.

<sup>4</sup> Maga yo kajenme pi kan fo ma yen na nɔsepyɔ sumboro, ma tijinliwe pi pye ma wɔnlɔɲɔ;

<sup>5</sup> Jango pila ma go singi nanjaa wi na, mbɔɔn sho nambannjo yɔn tangafɔ wi kee.

<sup>6</sup> Pilige ka, mila pye wa na go ki fenɛtiri wi na, mila pye na wele wa fenɛtiri wi tugurɔn nda ti paragi paragi ti wegele ke ni.

7 A m̀i si lefɔnɔ wa yan wa lembire ti sɔgɔwɔ, ma lefɔnɔ tijinliwɛ fu fɔ wa yan wa lefɔnmbɔlɔ pe sɔgɔwɔ.

8 Wila pye na tooro wa ca nawa konɔ li ni, le ki jɛɛ cɛnlɛ wa laga tanla; a ẁi sigi jɛɛ wi go konɔ li ɛ na kee.

9 Kila pye yɔnlɔ tosaŋa wi ni, yɔnlɔkɔgɔ yɛgɛ ni; laga kila pye na woo makɔ, a diwi wila yiin.

10 Mbe ka wele, mɛɛ jɛɛ wa yan wi pan mboo fili; wila wi yɛɛ pɔ paa nanjaa yɛn, tijinliwɛ pee la pye wa ẁi kotogo na.

11 Wila pye wɛrɛwɛrɛfɔ naa fɛrɛmbandaa; wi nanjegele kaa kan wa wi go.

12 Sanni jɛnri wi ma pye wa ca nawa konɔgolo ke ni, sanni jɛnri mbe pye wa katoro ti ni; wi maa yeregi konɔgɛgɛ ke ni fuun ke na, na nambala pe singi.

13 A ki jɛɛ ẁi si yiri ma lefɔnɔ wi yigi, ma magala wi ni, mɛɛ ki yo wi kan wii fɛrɛ ta, ma yo fɔ:

14 «Mila daga mbe nayinmɛ saraga† wɔ mbanla yɔn folɔ tɔn, m̀igi wɔ maga yɔn folɔ li tɔn nala.

15 Ko kala na m̀i yiri ma pan mbɔɔn fili, mila pye naga jaa mbɔɔn yan, koŋga m̀ɔɔ yan.

16 M̀i yarisinlɛɛrɛ ti jan mala sinlɛsaga ki gbegele maga yɔn makɔ;

---

† **7:14 7:14:** Kila pye, pe ka nayinmɛ saraga yaayogo ki wɔ, pe maga kara ta sɔgɔ mbe ka. Jɛɛ wila yiri ma saa lefɔnɔ wi fili mboo yeri ko yaakara to na. Mbe sigi ta wila pye na finlɛɛ win (Levi 7.11-21).

mì Ezhipiti tara len jese yarisinlèere tiyónrɔ ta  
jan wa ti na.

17 Mì nuwɔ taanyaara wo wa na sinlesaga ki na,  
nuwɔ taanyaara nda pe yinri miiri, naa allowesi  
konaa sinamomu.

18 Pan we sa ndanlawa kala li pye we tin li na, we  
yegɛ kila kanngi fɔ sa gbɔn goto pinliwɛ ni,  
we we yɛɛ la kɔ jɛngɛ wa ndanlawa pi ni.

19 Katugu na polɔ wi woro ca,  
wì kari ca na fɔ lege.

20 Wùu penjara bɔtele li le mali yin penjara ni,  
wi se songɔrɔ mbe pan fɔ sa gbɔn yevɔnngɔ ki  
nandogomɔ.»

21 A ki jɛle wì si lefɔnngɔ wi fanla, ma fannga ta  
wi na wi yɔn senre ti ni;  
a wì suu tile wi yɔn tangawa senre ti ni ma kari  
wi ni.

22 Le ki yɔngɔlɔ nungba ke ni, lefɔnngɔ wì si yiri  
ma taga wi na,  
paa nɔ yen ña wi yen na kee wa yaayoro gbosaga,  
paa yarafɔ yen ña pè pɔ na kee wi ni mbe saa  
gbɔn;

23 fɔ wanla la mbe ka pan luu sunndo wi sun  
mboo furu,  
paa sannjɛle yen na li gbinri ma saa ye mere ni,  
katugu wi sigi jɛn mbe yo fɔ wi go ki yaa kɔ wa  
ki ni.

24 Koni na pinambiile, yaa nuru na yeri,  
ye nungbolo jan yanla senre ti logo!

25 Maga ka ma jatere wi yaga wɔɔn tile mbe taga  
ki jɛle cɛnle ña wa punjo na,

maga kaa tulugo ki le mboon yee punḡo.

<sup>26</sup> Katugu wì nambala legere jan ma pe gbo; mbele fuun wì si gbo, paa pye fanḡa ni fun.

<sup>27</sup> Wi go ko ki yen kuulo tara konḡ le, li ma tigi ma kari lere wi ni wa kunwo pi ca ki ni.

## 8

### *Kajenme pi yen na para we ni naa*

<sup>1</sup> Kajenme po ma pi yen na leele pe yinri yeen? Tijinliwe pi magala lo ma li yen na yinrigi yeen?

<sup>2</sup> Pi yen ma yere wa tinndiye pe na, wa konḡ li yon na,

pi yen ma yere wa konḡolo ke filisara ti na.

<sup>3</sup> Pi yen wa ca ki mbogo yeyonro ti tanla, wa ca ki yeyongḡ shon wi na;

pi yen wa yeyonro nda pe maa tooro na yiin wa ti ni ti tanla, na jorogi na yuun fo†:

<sup>4</sup> «Yoro leele wele, yoro mi yen na jorogi na yinri; yoro senweele wele, yoro mi yen na para ye ni!

<sup>5</sup> Yoro lembire re, yaa kagala korḡ jenme pi jaa. Yoro tijinliwe fu fenne wele, ye tijinliwe ta!

<sup>6</sup> Yaa nuru, katugu kagala ngele ke yen kagbogo yon, mi yaa ke yo;

mi yaa na yon ki yenge mbe nagawa kan nga ki yen ma sin ki wogo na.

<sup>7</sup> Katugu kaselege ko mi maa yuun wa na yon, een fo senpere to yen mala mben wa na yon.

<sup>8</sup> Na yon senre ti ni fuun ti yen ma sin, yagbogolo nakoma nambara kpe woro wa na senre ti ni.

---

† 8:3 8.1-3: Yomi 1.20-21



9 Ti ti ni fuun ti yen ma filige tijinliwe fo wi kan, konaa ma sin kajenje wi kan.

10 Yanla nagawa senre ti le ye we penjara ti na, kajenme pi mbonro ye yeri mbe we te piiri wi na.

11 Katugu kajenme pi mbonro somu sonngbanga woo na,  
yaraga nga fuun lere yegge maa yinrigi ki na, ko ka woro kayongo ni mboo bo.»

*Kajenme pi yen na pi yee nari*

12 Mi na kajenme we, mi naa tijinliwe pi ni, woro we yen ma cen ja,  
jenme po naa jatere pyelomo jembe pi yen na yeri.

13 Yawe Yennele li yegge fyere ti yen lere na ni, kapege ki maa mben;  
yee nagawa, naa yee gbogowo, naa tangalomo pee konaa yon nga ki maa finlele ti yen mala mben.

14 Yerewe po naa jatere jenne wi ni, ti yen na yeri;

muwi mi yen tijinliwe we, fannga ki yen na yeri.

15 Wunlumbolo pe maa pe wunluwo pi piin mi fannga na,  
tara teele pe maa kondengenlele sinngele teri mi fannga na.

16 Kundigile, naa legboolo konaa kiti konfenne pe ni fuun pe maa pe tegere ti piin mi fannga na.

17 Mi we, mi yen ma mbele ndanla pe yen mala ndanla,  
mbele pe yen nala lagajaa poro mala yan.

18 Penjagboro tawa naa gbogowo pi maa taa mi yeri,  
yarijende nda ti ma mo konaa ferewe pi maa taa mi yeri.

19 Tonli na wi ma ta na ni, wi mbonro te wi na,  
ali te piiri wi na;  
tonli na wi ma ta na ni, wi mbonro warifuwe wi ni fuun tiyoon wi na.

20 Mi yen na tanri konɔ na li sin li na,  
mi yen na toro wa kaselege konɔ li ni.

21 Jango mbe yarijende wo mbele mi yen ma ndanla pe na,  
mbe pe yarijende tegesara ti yinyin.

22 Yawe Yenhele lilan gbegele li tunmbyege ki lesanga wi ni,  
li kee tunndo kongbannda ti yegɛ†.

23 Panla tege maga le wa fafafa;  
maga le wa ki lesaga ki na, maga le wa tara ti dasanga wi yegɛ.

24 Mila pan maga ta tonngboɔ tijuguwo pi woro wa gben,  
mila pan maga ta puluyo tonngboɔ pi woro wa gben.

25 Mila pan maga ta yanwira ti fa tege gben,  
mila pan maga ta tinndiye pe fa tege gben;

26 ko la yala Yawe Yenhele li fa tara to naa yan nawa pi da,  
li fa ali dunruya tambyo kongbanja wi da.

---

† 8:22 8.22: Naga 3.14

27 Sanga ɲa ni Yenɲele làa naayeri wi gbegele  
maa tɛgɛ wa wi yonlo, mɪla pye wa;  
sanga ɲa ni làa tɔnɲgbɔɔ tijuguwo pi koŋgo ki  
wɔ,

28 sanga ɲa ni làa kambaara ti tɛgɛ wa naayeri,  
sanga ɲa ni làa ti, a tɔnɲgbɔɔ tijuguwo pì janri  
ma yiri fanɲga ni, mɪla pye wa.

29 Sanga ɲa ni làa kɔgɔje koŋgo ki wɔ,  
janɲo wi tɔnmɔ piga ka toro wi koŋgo ki na,  
sanga ɲa ni làa tara ti nɔgɔ ki tenge, mɪla pye  
wa.

30 Mɪla pye le li tanla wa li tunɲgo ki ni.  
Mɪla pye nali kandanlaga ki piin pilige pyew,  
na yɔgɔri li yege sɔgɔwɔ sanga pyew.

31 Mɪla pye na yɔgɔri laga li tara ti na,  
ma pye nayinmɛ ni senwee piile pe sɔgɔwɔ.

*Lere ɲa wi maa nuru kajenmɛ  
pi yeri, fɛrɛwɛ yen wi woo*

32 Koni, na pinambiile, yaa nuru na yeri!  
Mbele pe maa tanri na koŋgolo ke na, fɛrɛwɛ yen  
pe woo!

33 Yanla nagawa senre ti logo, ye ta ye pye  
kajenmbele,  
yaga kari yigi sambalawa ni.

34 Lere ɲa wi maa nuru na yeri,  
ɲa wi maa yeregi le na go yon ki na na nuru  
pilige pyew,  
ɲa wi maa na yeyɔngɔ ki kɔrɔsi,  
fɛrɛwɛ yen ki fɔ wi woo!

35 Katugu lere ɲa ka mi ta ko fɔ wo yaa yinwege  
ta;  
ki fɔ wi kala li yaa Yawe Yenɲele li ndanla.

36 Eɛn fɔ lere ɲa ka wa mbe la na na, ko fɔ wo kapege pye wi yɛɛ na;  
mbele fuun pànla panra, kunwɔ po pi yen ma poro ndanla.

## 9

### *Kajenme pi yen na leele pe yinri naa*

1 Kajenme pì tiyagala kɔlɔshyen tɛ,  
ma go kan pi yɛɛ kan.

2 Pì yaayoro kɔnlogi sɔgolo gbolo mege ni,  
ma pi duven taan wi gbegɛɛ.  
Pì pi lisaga ki gbegɛɛ ma kɔ.

3 Pì pi tunmbyeele jɛɛɛ pe tun ma yo pe saga yerege ɲga ki yari.  
Pe yen wa ca ki tinndiye pe namunjo wi na, naga yari fɔ:

4 «Lere o lere wi yen kambajɛnɲɛ, wo mbe toro laga na yeri!»  
Mbele tijinliwɛ woro pe ni, pi yen naga yuun pe kan fɔ:

5 «Ye pan yanla suro ti li,  
yanla duven taan ɲa m̀ gbegɛɛ wi wɔ!

6 Ye kambajenme kagala ke yaga wa, pa ye yaa yinwege ta;  
yaa tanri wa kagala kɔrɔ jenme kɔnɔ lo ni!»

### *Kajɛnɲɛ wo naa yɛɛ gbɔgɔwɔ fɔ wi ni pɛ jɛn ma wɔ pe yɛɛ ni yɛgɛ ɲga na*

7 Lere ɲa ka sɛnɲɔbanra yo yɛɛ gbɔgɔwɔ fɔ wi na mbe ta mboo le kɔnɔ, wi ma ti pe maa tifaga;

lere ɲa kaa lepee wi yeɛgi, wo ma kaa tɛgele ta.

<sup>8</sup> Maga ka lere ɲa wi maa kala lakoo wi yeɛi,  
nakoma wi yaa ma panra;  
ɛɛn fɔ kajɛɲɛ wo yeɛi, pa ma yaa pye mboo  
ndanla.

<sup>9</sup> Ta kajɛɲɛ wi nari, pa ka yaa taga wi kajɛɲɛ  
pi na;  
lesɛɲɛ wi kara jɛɲɛ pi ni, pa wi yaa ka taga wi  
jɛɲɛ pi na.

<sup>10</sup> Mbaa fyɛ Yawe Yɛɲɛle li yege ko ki yɛn  
kajɛɲɛ pi lesaga ye;  
mbe Yɛɲɛle na kpoyi li jɛn ko ki yɛn tijinliwe  
we<sup>†</sup>.

<sup>11</sup> Ee, mi ɲa kajɛɲɛ we, mi yaa ka taga ma  
yinwege piliye yi na;  
ma yaa yinwetɔnlogɔ ta.

<sup>12</sup> Na maga pye kajɛɲɛ, mboro ma yaa ma  
kajɛɲɛ tɔnli wi li ma ye;  
na maga sila kala lakoo, mboro ma yaa ki go kala  
li le ma ye.

*Leele mbele pee jilige,  
kambajɛɲɛ pi yɛn na pe yinri*

<sup>13</sup> Kambajɛɲɛ pi yɛn paa jɛle pyɛɲpyɛnfɔ yɛn,  
ɲa wii kala jɛn;  
ɲa wii kala la kpɛ kɔɔ jɛn.

<sup>14</sup> Wi ma cɛn wa wi go yɔn ki na,  
wi ma cɛn jɔngɔ na wa ca ki laga ɲga kɪ yaraga  
ki go na,

<sup>15</sup> mbaa jɔrɔgi la torofɛɲɛ pe yinri ɲgbanga,  
poro mbele pe ma sin na kee pe konɔ li ni we.

<sup>†</sup> **9:10 9:10:** Yuuro 111.10; Yomi 1.7

16 Wi ma yo fɔ: «Lere o lere wi yen kambajenne,  
wo mbe toro laga na yeri;»

tijinliwe woro mbele ni wi yen na pe piin fɔ:

17 «Tɔnmɔ mba mà yu ma wɔ, pi ma tanla fɔ  
jɛŋgɛ,

yaakara nda mà lara ma ka, ti ma tanla fɔ  
jɛŋgɛ†.»

18 Eɛn fɔ ki leele pe sigi jɛn mbe yo fɔ pa kunwɔ  
pi yen wa ki laga ki ni,

fɔ leele mbele ki jɛlɛ wì yeri, pe yen na kee wa  
kuulo tara ti gbunlundegɛ ki ni.

## WUNLUNANJA SALOMƆ WI YOMIYEGELE

### 10

10-29

*Wunlunanja Salomɔ*

*wila yomiyegɛlɛ ŋgele wa*

1 Wunlunanja Salomɔ wi yomiyegɛlɛ.

Pinambyɔ kajenne wi maa to wi nawa pi yinŋgi,  
ɛɛn fɔ pinambyɔ ŋa wi yen lembige wi maa no  
wi nawa pi tanga wi na.

2 Yarijendɛ nda tì ta nambara ni tila tɔnli kan lere  
yeri;

ɛɛn fɔ mbe pye sinŋɛ ki ma lere sho kunwɔ pi  
yeri.

---

† **9:17 9:17:** Ki verise ŋa wi yen na para jɛlɛ kala naa nambala  
kala na li maa piin wa larawa, a Yenŋɛle sɛnre tì je li na ko sɛnre  
na.

<sup>3</sup> Yawe Yenḡele laa lesinḡe wi yaga funḡo mbe to wi na;  
εεn fɔ ḡga lepeepe pe maa tilele na jaa, li maga laga lali pe ni.

<sup>4</sup> Tiyandra ti maa paan fyɔnwɔ ni;  
εεn fɔ keyen yan yi maa tunḡo piin jεḡḡe, yi ma lere pye yarijende legere tafɔ.

<sup>5</sup> Lere ḡa wi maa yarilire ti kɔn yarilire kɔnsanga ni mari gbogolo, wo yen tijinliwe fɔ;  
εεn fɔ ḡa wi ma sinle na wɔnlo yarilire kɔnsanga ni, wo maa fere waa lere na.

<sup>6</sup> Duwaw ma tigi lesinḡe wi na;  
εεn fɔ lewelewe kapyere to ti ma pye ma lara wa lepee wi yɔn sɛnre ti ni.

<sup>7</sup> Mbe nawa to lesinḡe wi kala li na, ki ma pye duwaw ni leele pe yeri,  
εεn fɔ pe ma feḡe lepee wo meḡe ko na pew.

<sup>8</sup> Lere ḡa wi yen kajenḡe wa wi kotogo na, wi ma yenle ḡgasegele ke na;  
εεn fɔ lere ḡa wi maa para faa, wi ma wi yeε jɔḡɔ.

<sup>9</sup> Lere ḡa wi maa tanri kɔnɔ sinnε li na, wi maa tanri yeysinḡe na pɔw;  
εεn fɔ lere ḡa wi maa tanri kɔḡolo ḡgele kɛ koolo ke na, wi kala li yaa ka yiri funwa na.

10 Lere ña wi maa yengele ke gbɔnɔgbɔn mbe  
kaselege ki lara, wi ma jɔlɔgɔ wa sanmbala  
pe na;  
εεn fɔ lere ña wi maa para faa, wi ma wi yeε  
jɔgɔ.

11 Lesinɔe wi yɔn senre ti yen paa pulugo tɔnmɔ  
yen, mba pi maa yinwege kaan;  
εεn fɔ lewelewe kapyere to ti ma pye ma lara wa  
lepee wi yɔn senre ti ni.

12 Lepadnaga ki maa paan maara ni;  
εεn fɔ ndanlawa pi maa kajɔgɔrɔ ti ni fuun ti  
kala yari†.

13 Kajenme maa taa wa tijinliwe fɔ wi yɔn senre  
ti ni;  
εεn fɔ lere ña tijinliwe woro wi ni, sanwiga ki  
ma pye wi pɔgɔlɔ ke na mboo koro.

14 Kajenmbele pe maa jenme pi taa na kee yege;  
εεn fɔ tijinliwe fu fɔ wi yɔn ko ki ma kaa wi jan  
fyaw.

15 Penjagborɔ fɔ wi yarijende ti maa wi go singi  
paa malaga sigembogo yen;  
εεn fɔ fyɔnwɔ fenne pe fyɔnwɔ po pi ma kaa pe  
jan.

16 Lesinɔe wi tunɔgo sara wi maa kan yinwege  
ni;

---

† 10:12 10:12: Zhaki 5.20; 1 Pye 4.8



εεν ƒo lepee wi tunngo tonli wi maa kan wi maa kapege piin.

17 Lere ηa wi maa nagawa senre ti nuru, wi ma pye wa yinwege kono li ni,  
εεν ƒo lere ηa wi ma je yerewe senre ti na, wi maa yee pungo.

18 Lere ηa wi maa lewee yenle wi panra larawa, wi maa yagbogolo finlele,  
lere ηa wi maa leele mege jogo na toro, wi yen lembige.

19 Lere ηa kaa para mbe sa toro, wi ma pungo fyaw;  
εεν ƒo lere ηa wi maa yon ki yingiwe jen wo yen tijinliwe ƒo.

20 Lesinηe wi yon senre ti yen paa warifuwe piiri yen;  
εεν ƒo lepee wi jatere wi woro kagbogo yon.

21 Lesinηe wi yon senre ti ma lelegerε kala yon;  
εεν ƒo tijinliwe fu fenne pe yaa ku pe tijinliwe lawa pi kala na.

22 Yawe Yenηele li duwaw wo wi ma lere pye yarijende tafo,  
lewee wi yera fanηga ko se ya yaraga ka kpe taga wa.

23 Mbaa kapege ki piin ki yen paa jiiire pyewe yen lembige ki yeri;

εεν fɔ tijinliwε fɔ wi kandanlaga ko yen mbe yin  
kajenmε ni.

24 Nga lepee wi maa fyε, ko ki maa ta;  
nga lesinηε wi maa jaa, ko ki ma pye wi kan.

25 Na kangbanga ka pan sanga ηa ni, lepee wi  
ma tɔngɔ ma wɔ wa;  
εεν fɔ lesinηε wo ma koro wa wi yɔnlɔ li ni sanga  
pyew.

26 Tɔndangara ti ma ηgangala ke tanga yege  
ηga na,  
wirige ki maa yaa wa yengele ke ni yege ηga na,  
ki pyelɔmɔ nungba pi na, pa tiyanηa wi maa wi  
tafɔ wi jɔlɔ ma fun.

27 Mbaa fyε Yawe Yenηele li yege, ki ma yin-  
wetɔnlɔgɔ kan lere yeri,  
εεν fɔ Yenηele li ma lepee wi yinwege ki were.

28 Lesinmbele pe jigi tagasaga ki ma pe kan  
yɔgɔrimɔ ni;  
εεν fɔ lepeele pe jigi wi ma kɔn pe na.

29 Mbaa tanri Yawe Yenηele li kɔnɔ li na, ki yen  
paa malaga sigeca yen lere ηa wi nawa pi  
yen ma filige wi kan;  
εεν fɔ li ma mbele pe maa tipege piin pe tɔngɔ.

30 Lesinηε wo na fige mbe wɔ wa wi yɔnlɔ fyew;  
εεν fɔ lepeele pe se koro mbe mɔ laga tara ti na.

<sup>31</sup> Lesinɛ wi yɔn sɛnrɛ ti maa kajɛnmɛ kaan,  
 ɛɛn fɔ yɔn ɲa ki maa finlɛlɛ, ki ɲgayinnɛ li daga  
 mbe kɔn.

<sup>32</sup> Lesinɛ wi yɔn ki ma sɛnyoro jɛn;  
 ɛɛn fɔ lepeele wele, lefanlaga sɛnrɛ pe maa yuun.

## 11

<sup>1</sup> Culo ɲa wi yɛn ma gbɔn maa piri, wi kala li yɛn  
 ma tijanga Yawe Yɛnɲɛlɛ li yɛgɛ na;  
 ɛɛn fɔ puwakuru ɲa wi yala, wo yɛn mali ndanla.

<sup>2</sup> Mbaa ma yɛɛ nari ki maa lere tifaga,  
 ɛɛn fɔ mbɔɔn yɛɛ go sogo ki maa kajɛnmɛ kaan.

<sup>3</sup> Lesinmbele pe nawa mba pì filige pe na, pi maa  
 pe yɛgɛ sinni;  
 ɛɛn fɔ nambara fɛnnɛ pe kambasinnde ti yaa ka  
 pe jɔgɔ.

<sup>4</sup> Kiti kɔnpilige, yarijɛndɛ ti se yaraga ka yɔn;  
 ɛɛn fɔ tangalɔmɔ sinmbe po pi ma lere shɔ  
 kunwɔ pi yeri.

<sup>5</sup> Lere ɲa wi nawa pì filige wi na wi kasinɲge ki  
 maa le kɔnɔ jɛnɛ ni;  
 ɛɛn fɔ lepee wi tipewe pi maa jan.

<sup>6</sup> Lesinɛ wi kasinɲge ki maa shɔ kaɲgbanga ki  
 ni;  
 ɛɛn fɔ nambara fɛnnɛ pe yɛgɛmbatinwɛ pi ma  
 pye paa pɛnɛ yɛn mbe pe yigi.

<sup>7</sup> Na lepee wi ka ku, wi jigi tagasaga ki ma kɔ;  
wila wi kɛɛ ki kan fannga nga na, ki ma kɔ ma  
wo wa.

<sup>8</sup> Lesinɲe wi ma sho jɔɔɔɔ ki kɛɛ;  
ɛɛn fo lepee wo ma ye wa jɔɔɔɔ ki ni wi yɔnɔ.

<sup>9</sup> Lere ɲa wii Yenɲele jɛn, wi maa jaa mboo lewee  
yenle wi tɔngɔ wi yɔn sɛnɛ ti ni;  
ɛɛn fo lesinmbele pe yaa sho jɛnɛ po fannga  
na.

<sup>10</sup> Na lesinmbele pe kala liga yɔn, ca woolo pe  
maa nayinɛ nii;  
ɛɛn fo lepee wi ka ku, pe maa yɔgɔri.

<sup>11</sup> Lesinmbele pɛ duwaw ɲa ta wi fannga na, ca  
ki mɛgɛ ki ma yiri;  
ɛɛn fo lepee pe yɔn sɛnɛ ti ma ca ki jɔgɔ.

<sup>12</sup> Lere ɲa wi maa wi lewee yenle wi tifaga wi  
yen tijinliwɛ fu fo;  
ɛɛn fo lere ɲa wɪ jilige wo ma pyeri.

<sup>13</sup> Lere ɲa wi maa leele sanga na toro, wi maa  
leele pe ɲgundo kagala ke yinrigi funwa  
na;  
ɛɛn fo lere ɲa pɛ taga wi na, wo ma ke tɛgɛ wa  
wi nawa.

<sup>14</sup> Na yɛgɛ sinfo jɛnɲe woro cɛnle na go na, ki  
cɛnle woolo pe ma to;  
ɛɛn fo na yerifenne paga lɛgɛ, ki ma pan cew  
tawa ni.

15 Lere ɲa ka yɔn kan mbe yere wa fɔgɔ tɔnɲɔ  
ni, wi yen na tege waa wi yee na;  
ɛɛn fɔ lere ɲa si yenle mbe yɔn kan mbe yere wa  
fɔgɔ tɔnɲɔ ni, wo yaa koro wi yee kan.

16 Jele ɲa wi nawa pi yen jembɛ, wo wi ma  
gbɔgɔwɔ ta;  
ɛɛn fɔ fanɲga fɔ, yarijendɛ legere wo ma ta ɛɛ.

17 Kagbaraga pyefɔ wi kagbaraga ki tɔnli wi ma  
pye wi woo;  
ɛɛn fɔ, lewelewe wi maa tipege piin wi yee na.

18 Lepee wi maa tɔnli lagajaa wi yee kan, ɲa wi  
yen kayɔngɔ fu;  
ɛɛn fɔ lere ɲa wi maa kasinɲge piin wo yaa tɔnli  
jenɲɛ ta.

19 Mbaa tanri kasinɲge na, ki ma yinwege kan  
lere yeri;  
ɛɛn fɔ lere ɲa kaa yee kan kapege pyewe pi yeri,  
wi ma kunwɔ ta.

20 Mbele pe nawa pi woro ma filige pe na, pe kala  
li yen ma tijanga Yawe Yenɲele li yege na;  
ɛɛn fɔ mbele pe tangalɔmɔ pi yen ma sin, pe kala  
li yen mali ndanla.

21 Ki woro na lere kɔɔn shyen, lepee wi se ka koro  
mbajɔlɔwɔ;  
ɛɛn fɔ lesinmbele pe setirige piile pe yaa ka sho  
jɔlɔgɔ ki keɛ.

22 Jele tiyoon tijinliwe fu fo  
wi yen paa pe ma kaa te vegeŋe le cele numaga  
na we.

23 Lesinmbele pe sonrimo pi pungo kala lo yen  
kagbaraga;  
ɛɛn fo lepee wi jigi wi yaa ka sa ko Yenŋele li  
nanŋbanwa gboo po ni.

24 Wa kee ma pye ma sanga wi na, ɛɛn fo wo maa  
jiti na kee yege;  
wa ma pye kenŋbanga ni fo ma saa toro ki da wi  
na, ɛɛn fo wo maa piin fyonwo fo na kee.

25 Lere ŋa wi maa kaan nandanwa ni, wi  
yarijende ti ma jiti;  
lere ŋa wi maa tonmo kaan sanmbala pe yeri, wi  
wogo ki yaa ka ko.

26 Lere ŋa wi ma je ma yo wi soo yarilire ti pere  
ti jasanga wi ni, leele pe ma wo danŋa;  
ɛɛn fo ŋa wi maa yarilire ti pere ti jasanga wi ni,  
wo ma duwaw ta.

27 Lere ŋa kaa ki jaa mbaa kajenge piin, wi kala  
li ma Yenŋele li ndanla;  
ɛɛn fo lere ŋa kaa ki jaa mbe tipege pye, tipege  
ma kaa wi ta.

28 Lere ŋa kaa jigi wi taga wi penjagboro ti na,  
wi ma kaa to;  
ɛɛn fo lesinmbele pe yaa la yongoo mbaa kee yege,  
paa yege ŋga na tige ma kaa fun ma were  
ta we.

29 Lere ɲa wi ma jɔlogɔ wa wi yɛɛra go ki na, wi  
kɛwaga yaa yiri;  
tijinliwɛ fu fɔ wi ma pye kajɛnɲɛ wi kulo.

30 Lesinɲɛ wi kapyere ti yɛn paa tige yɛn, ɲga ki  
pire ti maa yinwege kaan;  
lere ɲa wi yɛn kajɛnɲɛ wi ma leele ta wi yɛɛ kan.

31 Ye wele, lesinɲɛ wi maa kapyere ti sara wi ta  
laga dunruya wi ni,  
pee ka logo lepeelee poro naa kapere pyefɛnnɛ  
poro†.

## 12

1 Korowo pi yɛn ma lere ɲa ndanla, jɛnnɛ pi yɛn  
maa ndanla fun;  
ɛɛn fɔ yɛrɛwɛ sɛnɲɛ ti yɛn ma lere ɲa mbɛn, wo  
yɛn lembige.

2 Kajɛnɲɛ pyefɔ wi kala li yɛn ma Yawe Yɛnɲɛle  
li ndanla;  
ɛɛn fɔ ɲa wi maa kapege jatere piin, li yaa ko fɔ  
wo jɛrɛgi.

3 Lere se ya yeresaga ta wi tipewe po fanɲga na;  
ɛɛn fɔ lesinɲɛ wi ndire ti se ya kɔlogi wa ti yɔnlo.

4 Jelɛ jɛnɲɛ wi yɛn paa wi pɔlo wi wunluwo njala  
yɛn;  
ɛɛn fɔ ɲa wi maa fɛrɛ waa wi pɔlo wi na, wo  
yɛn paa sagbanpanraga yɛn, ɲga ki maa  
kajelege ki mugu.

---

† 11:31 11:31: 1 Pyɛ 4.17-18

<sup>5</sup> Lesinɛ wi jatere wi ma pye kaselege ko na;  
 ɛɛn fɔ lepeelee poro jatere wo ma pye nambara  
 ɛɛ.

<sup>6</sup> Lepee wi yɔn sɛnrɛ ti yɛn paa bɛnganri pyefɔ  
 ma kaa lara na singi mbe legbogo pye;  
 ɛɛn fɔ lesinɛ wi yɔn sɛnrɛ ti ma lere shɔ.

<sup>7</sup> Na lepee wiga tongɔ mbe wɔ wa, yaraga kpɛ na  
 koro wi puɔgo na;  
 ɛɛn fɔ lesinmbele pe yinɛ ti ma koro wa suyi.

<sup>8</sup> Pe ma lere wi sɔn wi tijinliwɛ po kala na;  
 ɛɛn fɔ ɲa wi nawa pì pe wi na leele pe maa wi  
 tifaga.

<sup>9</sup> Paa ma tifaga mbege ta tunmbyee nungba wi  
 yɛn ma kɛɛ na,  
 ko mbɔnrɔ maa ma yɛɛ gbogo mbe sigi ta  
 yaakara woro ma yeri ko na.

<sup>10</sup> Lesinɛ wi maa wi yɛɛra yaayoro ti kala yɔngɔ  
 nari kaan yaakara ni;  
 ɛɛn fɔ lepeelee wele, lewɛlɛwɛ kapyere pe maa  
 piin.

<sup>11</sup> Lere ɲa wi maa wi kɛrɛ ti tunɔgo ki piin, wi  
 ma yaakara legɛrɛ ta;  
 ɛɛn fɔ ɲa wi maa tɔnli fu kapyere piin, wo yɛn  
 tijinliwɛ fu fɔ.

<sup>12</sup> Yarijɛnde nda ti ma ta nambara wi fanɔga na,  
 to lepeelee pe maa yɛgɛ yinrigi ti na;



εεν fɔ lesinmbele pe ma ndire kan fɔ ma pye tonli ni.

13 Lepee wi yɔn sɛnpere ti ma pye paa pɛnɛ yen mboo yigi;  
εεν fɔ, lesinɲe wi ma shɔ ma wɔ wa kanɲbanga ki ni.

14 Yɔn sɛnyogo jɛɲɛ ki ma tonli kan lere yeri, ki pyelɔmɔ nunɲba pi na, lere wi kɛɛ tunɲgo ki sara wo wi ma ta.

15 Tijinliwɛ fu fɔ wo yɛɛ na, wi konɔ li yen ma sin;  
εεν fɔ lere ɲa wi ma yenle yɛrɛwɛ sɛnrɛ na, wo wi yen kajɛɲɛ we.

16 Tijinliwɛ fu fɔ wi maa nanɲbanwa pi naga le yɔngɔɔ nunɲba ke ni;  
εεν fɔ lere ɲa wì jilige wi ma tɛɛle li kun wi yɛɛ ni.

17 Lere ɲa wi maa kaselege yuun, wi ma ɲga ki yen ma sin ki yɛɛ yo;  
εεν fɔ sɛrɛfɔ yagboyoo wo maa leele fanla.

18 Lere ɲa wi maa para faa, wi sɛnrɛ ti maa sugulo paa tokobi yen;  
εεν fɔ kajɛɲmbele pe yɔn sɛnrɛ ti maa kotogo sogowo kaan.

19 Yɔn ɲga ki maa kaselege yuun, ki sɛnrɛ ti ma koro wa suyi;

εεν fɔ yɔn n̄ga ki maa yagbogowo yuun, ki s̄enr̄e  
ti m̄ɔnɔ li yen mbe yenl̄e li gb̄on mbeli  
yenḡe.

20 Mbele pe maa kapege pyewe jatere piin,  
lefanlaga ko ki ma pye wa pe kotogo na;  
εεν fɔ mbele pe maa yer̄ewe kaan yeyin̄nge  
wogo na, pe ma nayin̄me ta.

21 Tipege kp̄e na lesin̄nge wi ta;  
εεν fɔ j̄ɔlɔgɔ ki yen lepeepe pe wogo.

22 Yɔn n̄ga ki maa finl̄e ki yen ma tijanga Yawe  
Yen̄gele li yeḡe na;  
εεν fɔ mbele pe maa tanri kaselege ki na, pe kala  
li yen mali ndanla.

23 Lere n̄a w̄i jilige wi maa jen̄me pi lara;  
εεν fɔ kambaj̄en̄ge wi maa wi kambaj̄en̄me pi  
nari na toro.

24 Lere n̄a wi keyen ȳi n̄gb̄an tun̄ngo ki na, wo  
wi ma c̄en tegere ti na;  
εεν fɔ tiyan̄na wo ma kaa ye p̄ɔrɔt̄ɔya tun̄ngo.

25 Sen̄wee wi jatere pirindorogo ki maa fan̄nga  
ki kɔ;  
εεν fɔ sen̄jend̄e ti ma nayin̄me kan sen̄wee wi  
yeri.

26 Lesin̄nge wi maa wi lewee yenl̄e wi nii konɔ  
jen̄e;  
lepee wi tangalɔmɔ pi maa p̄un̄go.

27 Koniyεεn tiyanηa wi se ya kara gbo mbe ta fɔ;  
εεn fɔ mbaa tunηgo piin jεηγε, tɔnli gbɔɔ yεn ki  
ni.

28 Yinwege ki ma ta wa kasinηge konɔ li ni,  
kunwɔ woro wa ki konɔ li ni.

## 13

1 Pɔɔ kajεnηε wi ma wi to wi nagawa sεnre ti  
logo;  
εεn fɔ pɔɔ ηa wi maa kala lakoo wila yerεwe  
sεnre logo.

2 Lejεnηε wi sεnyoro ti fanηga na, wi ma  
yarijende ta tɔnli;  
εεn fɔ lewεlewe kapyere to javafenne pe maa jaa  
mbaa piin.

3 Lere ηa wi maa yɔn ki yingiwe jεn, wi maa yεε  
shɔ;  
εεn fɔ lere ηa wi yεn yɔngbɔgɔwɔ ni, wi maa yεε  
jɔgɔ.

4 Tiyanna wi yεge maa yinrigi yaara na, wi se siri  
ta;  
εεn fɔ mbele pe maa tunηgo piin jεηγε, poro ma  
yarilegere ta.

5 Yagbogowo sεnre ti ma pye ma lesinηε wi  
mben;  
εεn fɔ lepee wi maa sanmbala pe tifaga na fεre  
waa pe na.

<sup>6</sup> Lere ɲa wi tangalomo pi yen ma filige, kasingge  
ki maa sho;  
ɛen fo lepee wi kapege ki maa jogo pew.

<sup>7</sup> Wa maa yee pye penjara fo, mbe sigi ta yaraga  
woro wi yeri;  
wa yee maa yee pye fyonwo fo, mbe sigi ta  
penjagboro yen wi yeri.

<sup>8</sup> Wagati wa ni, penjara fo wi ma kaa wi penjara  
ta kan maa yee go sho;  
ɛen fo fyonwo fo wo na la fye mbe yo pe yaa wi  
figiri.

<sup>9</sup> Lesinmbele pe maa yengele paa yanwa yen;  
lepee poro yen paa fitanla yen, ɲa wi yen na  
finri.

<sup>10</sup> Yee gbogwo pi maa maara koon;  
ɛen fo mbele pe maa yerewe senre nuru, poro  
yen kajenmbele.

<sup>11</sup> Penjagboro nda ti ma ta fyaw, pa ti maa koo  
na kee fyaw ma;  
ɛen fo nda ti maa taa jennjenri ti ma kaa lege.

<sup>12</sup> Senwee wi jigi wi yen yaraga nga na, na ki ka  
mo mbe toro, wi nawa pi ma tanga wi na;  
yaraga nga ki la yen ma na, ki ka kan ma yeri,  
ki ma yinwege kan ma yeri.

<sup>13</sup> Lere ɲa wi maa senre tifaga, ki fogo ki ma ton  
wi na;

lere ɲa wi maa tanri ɲgasegele ke na, wo yaa tonli ta.

14 Kajenɲe wi nagawa senɲe ti maa yinwege kaan lere yeri,  
ti ma lere sho kunwo pi yanwa pi keɛ.

15 Tijinliwe jembe pi ma ti lere kala ma leele pe ndanla;  
ɛɛn fo nambara fenne pe konɔ li yen ma ɲgban.

16 Leele mbele fuun pè jilige, pe maa pe kagala ke piin tijinliwe ni;  
ɛɛn fo kambajenɲe wi maa kambajenɲe pi naga lere pyew wi na.

17 Pitunɲo tipee wi ma ti jologo ma pan;  
ɛɛn fo pitunɲo ɲa pè taga wi na, wi ma kotogo sogowo kan lere yeri.

18 Lere ɲa wi ma je nagawa senɲe ti na, wi wogo ki yen fyɔnwɔ naa fere;  
ɛɛn fo ɲa wi ma yenle ki na poo jeregi, wo yaa gbogowo ta.

19 Nga senwee wila jaa, wi kaga ta ki ma tanla wi ni;  
Kambajenmbele pe kapege ki yaga, ki ma pe mben.

20 Lere ɲa wi maa tanri kajenmbele pe ni, wi ma kala jen;

εεν ƒo lere ηa wi ma lembire ti pye wi cenyεenle,  
wi ma tege ta.

<sup>21</sup> Jologo ko ki ma pye kapere pyefenne pe pungo  
na;  
εεν ƒo kajenge ko ki yen lesinmbele pe tonli we.

<sup>22</sup> Lere jenne wi ma korogo yaga wi  
pishyenwoolo pe kan;  
εεν ƒo kapere pyefenne pe korogo ki yen ma tege  
lesinmbele poro kan.

<sup>23</sup> Kere nda fyonwo ƒo wi fali, ti yarilire ti ma yon  
jenge;  
εεν ƒo lere wa woro ma jogo wi mbasinme pi kala  
na.

<sup>24</sup> Lere ηa wi ma korowo sanwiga ki wa, wi  
pinambyo wi suu ndanla;  
εεν ƒo lere ηa wi pinambyo wi yen maa ndanla,  
wila la singi mboo koro.

<sup>25</sup> Lesinne wi ma li ma tin;  
εεν ƒo lepee wi fungbolo li yaa koro waga.

## 14

<sup>1</sup> Jele kajenne wi maa go ki kan;  
εεν ƒo jele ηa wi yen lembige, wi maa go ki ya wi  
yera keyen yi ni.

<sup>2</sup> Lere ηa wi maa tanri kozinne li na, wo maa fye  
Yawe Yennele li yege;

εεν ƒo ηa wi maa tanri kongolo ηgele kè koolo  
ke na, wo maa li tifaga.

<sup>3</sup> Kambajenje wi yon senre ti yen paa gbege yen,  
mboo gbɔn mboo yee gbogwo pi laga wi  
na;  
εεν ƒo kajenmbele pe yon senre ti ma pe sho.

<sup>4</sup> Na falinere woro wa, bondoolo pe ma koro  
waga;  
εεν ƒo falinere ti fanna na, yarilire legere ma  
ta.

<sup>5</sup> Serefo sinje na yagbolo finle;  
εεν ƒo serefo tipee wo maa yagbogolo finlele.

<sup>6</sup> Na wi maa tege leele na, wi maa kajenme pi  
lagajaa, wi se suu ta;  
εεν ƒo tijinliwe ƒo wi jenme taga si ngban.

<sup>7</sup> Ma yee laga lali lembige ki ni,  
katugu mee yaa jenme ta mbe yiri wa wi yon  
senre ti ni.

<sup>8</sup> Lere ηa wi jilige wi kajenme pi maa wi kologo  
ki yee finligi wi kan;  
εεν ƒo kambajenje wi kambajenme pi maa wi  
punngu.

<sup>9</sup> Kambajenmbele pe ma yo go woro ki na mbe  
kajogoo gbegele;  
εεν ƒo wa lesinmbele pe sogoo kajenge ko ki  
ma pye wa.

10 Lere wi nawa pì tanga yege nga na, wo wi maga jen wa wi nawa;  
na nayinme ka si pye wa, lere wa yege se ya mbege tanwa pi jen.

11 Lepee wi go ki yaa ka ya;  
εεν fò lesinεε wi go ki yaa la jiti mbaa kee yege.

12 Konò la ma pye ma sin lere wa yege na,  
ma si yala li punḡo kala lo yen kunwò konò.

13 Lere mbe ya mbaa tεge mbe sigi ta wi nawa pi yen ma tanga wi na;  
nayinme pi kòsaga ki mbe ya pye nandangawa.

14 Lere ḡa wi sò wi yen ma tijanga, wi yaa kaa kapyere ti tònli wi ta;  
lejennεε wi yaa kaa tònli wi ta mbe tin wi na.

15 Kambajennεε wi ma taga senre nda fuun pe ma yo wi kan ti na;  
εεν fò lere ḡa wì jilige, wi maa wi tangalomò pi kòròsi.

16 Kajennεε wi maa fye kapege pyewe pi na, mboo yeε laga lali ki ni;  
εεν fò lembige kila ki yeε yingiwε jen, katugu ki ma taga ki yeε na.

17 Lere ḡa wi maa nawa ḡgbanni jaga jaga, wi maa kajagara piin;  
lere ḡa wi maa tipege jaa mbe pye, leele pe maa panra.



18 Kambajenmbele pe korogo ko ki yen kambajenme we;  
een fo jenme po pi yen mbele pe jilige pe gbogwo we.

19 Lepeepe pe yaa ka kannguuro kan lejembelle pe nogo;  
kapere pyefenne pe yaa ka kannguuro kan wa lesinmbele pe go yeyonro ti na mbe pe yenri.

20 Fyonwo fo wi cenyenne yere pe maa panra;  
een fo penjagboro fo wi wenne pe ma pye ma lege.

21 Lere na wi maa cenyenne wi tifaga, wi yen kapege pyefo;  
een fo lere na wi maa lere na wi yen tege na wi yinriwe taa, ferewe yen ki fo wi woo!

22 Mbele pe maa kapege ki jate mbege pye, naga yen ma, paa la pe yee punngu wi le?  
Mbele pe maa kajenge ki jate mbege pye, pe maa tanri kagbaraga pyege naa kaselege na.

23 Senwee wi ma te tunngo nga fuun ni, tonli ma ta ki ni;  
een fo senwara yogo ki maa paan fyonwo ni.

24 Penjagboro tawa po pi yen kajenmbele pe wunluwo njala le;  
tjinliwe fu fo wi wogo ko ki yen tjinliwe fu kapyere re.

25 Serɛfo ɲa wi maa kaselege yuun, wi ma lere sho;  
ɛɛn fo serɛfo ɲa wi yɛn yagboyoo, wi maa nambara piin.

26 Lere ɲa wi maa fyɛ Yawe Yɛnɲɛɛ li yɛgɛ, jigi tagasaga gbogo yɛn wi yeri;  
katugu li maa wi pinambiile pe go singi.

27 Mbaa fyɛ Yawe Yɛnɲɛɛ li yɛgɛ, ki ma yinwege kan lere yeri;  
ki ma sɛnwee wi sho kunwo pi yanwa pi kɛɛ.

28 Na tara ti woolo paga lɛgɛ, ki ma gbogowo kan wunlunaɲa wi yeri;  
ɛɛn fo na tara ti woolo paga pye mbe kologo, ki ma pye wunlunaɲa pyo wi towo.

29 Lere ɲa wila la nawa ɲgbanni jaga jaga, tijinliwɛ gboo yɛn wi yeri;  
ɛɛn fo lere ɲa wi maa nawa ɲgbanni jaga jaga, wo maa wi lembigewe pi nari.

30 Kotoyinɲge ki ma ɲgbanwa kan witige ki yeri;  
ɛɛn fo yɛnɲaga ko yɛn paa sagbanpanraga yɛn, ɲga ki maa witige ki nii.

31 Lere ɲa wi maa fyɛnwo fo wi jolo, wi maa ɲa wuu da wi tifaga;  
ɛɛn fo lere ɲa ka fyɛnwo fo wi yinriwɛ ta, wo ma ɲa wuu da wi gbogo.

32 Lepee wi tipege ko ki maa jan;

εεν ƒo lesinɲe wi jigi wi ma koro ma cen wi na,  
ali sa gbɔn wi kunwɔ pi na.

<sup>33</sup> Kajenme pi ma pye wa tijinliwe fenne pe  
kotogo na;  
εεν ƒo pi se ya jen wa lembire ti sɔgɔwɔ.

<sup>34</sup> Mbaa kasinɲge piin wa tara ti ni, ki ma tara ti  
mege ki yirige;  
εεν ƒo kapege pyege ko maa fere waa tara woolo  
pe na.

<sup>35</sup> Tunmbyee ɲa wì jilige wi kala li ma wunlu-  
naɲa wi ndanla;  
εεν ƒo tunmbyee ɲa wi ma fere wa wi na, wi ma  
nawa ɲgban wo ni.

## 15

<sup>1</sup> Mbe lere wi yɔn sogo sentanra ni, ki ma  
nanɲbanwa gbɔɔ sinɲge;  
εεν ƒo senjagara ti ma lere nawa ɲgban.

<sup>2</sup> Kajenɲe wi yɔn senre ti maa jenme pi tanwa nii  
lere ni;  
εεν ƒo tijinliwe fu ƒo, lembigewe senre ti maa  
yinrigi wa wi yɔn.

<sup>3</sup> Yawe Yenɲele li maa yaan lagapyew;  
li maa lepeelee naa lejembele pe wele.

<sup>4</sup> Senre nda ti maa fanɲga kaan, ti yen paa tige  
yen, ɲga ki maa yinwege kaan;  
εεν ƒo senpere to maa lere jolo wa wi kotogo na.

<sup>5</sup> Kambajenne wila wi to wi yerewe senre ti le;  
 een fo na wi ma yenle yerewe senre ti na, wo yen  
 tijinliwe fo.

<sup>6</sup> Yarijende legera ma pye wa lesinne wi go;  
 een fo lepee wi tawa pi ma jologo wa wi na.

<sup>7</sup> Kajenne wi yon senre ti maa jenne kaan lere  
 yeri;  
 een fo ko wogo nga ko ka se ya yiri wa lembige  
 ki kotogo na.

<sup>8</sup> Saraga nga lepee pe ma wo Yawe Yennele li  
 yeri, ki ma pye ma tijanga li yega na;  
 een fo li ma yenle lesinbele pe yenrewe pi na.

<sup>9</sup> Lepee wi tangalomo pi yen ma tijanga Yawe  
 Yennele li yega na;  
 een fo mbele pe maa kasinge piin, poro yen  
 mali ndanla.

<sup>10</sup> Lere na wi ma kozinne li wa, wo pe ma korowo  
 gbege ki le wi na;  
 lere na pe kaa yeri senngbanra ni ki maa mben,  
 wo yaa ku.

<sup>11</sup> Ki kaa pye kuulo tara to naa kuulo ca ki ni, ki  
 kala la si fun Yawe Yennele li na,  
 li senwee wi nawa kala li jen pyew.

<sup>12</sup> Lere na wi maa kala lakoo, kila wi ndanla poo  
 jeregi,  
 wila kari mbe sa kajebele pe yewe poo yeri.

13 Nayinme ka pye lere na ni, wi yegε welewe pi ma tanla;  
εεn fɔ lere na nawa ka piri wi na, wi nawa pila tanla wi na.

14 Lere na wì jilige, wi maa jenme pi lagajaa;  
εεn fɔ lembige, tijinliwε fu kapyere to ti maa nayinme kaan ki yeri.

15 Piliye yi ni fuun yi yen pilipeye lere na wi yen tege na wi yeri;  
εεn fɔ lere na wi yen fεrεwε na, wo maa nayinme nii pilige pyew.

16 Tawa jenri mbe pye ma yeri, ma sila fyε Yawe Yenηεε li yegε,  
ko mbɔnrɔ penjagbɔrɔ mbe pye ma yeri, mεε pye yewεrεge na ko na.

17 Pe sεgεwεrε sɔgɔ ma kan yaakara ndanlawa ni,  
ko mbɔnrɔ pe nɔ kara tanra jende sɔgɔ peri kan ma yeri mbenwε ni ko na.

18 Lere na wi maa nawa ηgbanni jaga jaga, wi maa maara kɔɔn;  
lere na wi maa kala kunni wi yεε ni, wi ma malaga kɔ.

19 Tiyanna wi konɔ li yen ma yin wuuro yuguyugu ni;  
εεn fɔ lesinmbele pe konɔ li yen ma laga kpoyi.

20 Pyo kajenne wi maa to wi nawa pi yinngi;  
εεν fo pyo tijinliwe fu fo wi maa wi no wi tifaga.

21 Lembigewe kapyere ti maa nayinme kaan  
tijinliwe fu fo wi yeri;  
εεν fo lere na wi jilige, wi ma sin wa wi  
tangalomɔ pi ni.

22 Na yerifenne woro wa mbe yo mbe yan pe yee  
yeri, kagala ngele ke kon ma tege mbe pye,  
ke ma jogo;  
na yerifenne paga lege, kagala ke maa yongo.

23 Lere na wi ma lere yon sogo senjende ni, ki ma  
nayinme kan wi yeri;  
na senre ti ka yo ti yosanga na, ki ma pye ma  
yon.

24 Lere na wi yen tijinliwe fo, konɔ na li maa kee  
wa naayeri na yinwege kaan lere yeri, lo  
wi ma le;  
εεν fo konɔ na li maa tinrigi wa nɔgona wa kuulo  
tara, wi maa yee sho li ni.

25 Mbele pe maa pe yee gbogo, Yawe Yennele li  
ma pe yinre ti tongo;  
εεν fo li maa wele nangunjo wi laga ki na.

26 Jatere pere ti yen ma tijanga Yawe Yennele li  
yeege na;  
εεν fo senjende ti ma pye ma laga li yeege na.

27 Lere ɲa wi yenle na tin tɔnli pee jawa na, wi  
 ma jɔlogɔ wa wi go woolo pe na;  
 ɛɛn fɔ lere ɲa yarikanra nambara woro ti yen  
 maa mben, wi yaa yinwege ta.

28 Lesinɲe wi ma jatere pye jɛɲɛ gben mbe si  
 jɛn mbe yɔn sogomɔ kan lere yeri;  
 ɛɛn fɔ sɛnpere to ti maa yinrigi wa lepee wi yɔn.

29 Yawe Yenɲele li yen ma lali lepee pe ni;  
 ɛɛn fɔ li ma lesinmbele pe yenɛwe pi logo.

30 Welelɔmɔ jɛmbɛ pi ma nayinmɛ kan lere yeri  
 wa wi kotogo na,  
 sentanra logowo pi ma fanɲga le lere ni.

31 Yerɛwe sɛnɛ nda ti ma lere le konɔ jɛnɛ ni,  
 lere ɲa kaa ti nuru,  
 wi yaa ka cɛn wa kajɛnmbɛle pe sogowɔ.

32 Lere ɲa wi ma je yerɛwe sɛnɛ ti na, wi yɛɛra  
 yinwege ki yen maa mben;  
 ɛɛn fɔ lere ɲa wi ma yenle yerɛwe sɛnɲɔbanra  
 ti na, wo ma tijinliwɛ ta.

*Yawe Yenɲele li yen fanɲga fɔ  
 kala li ni fuun ni*

33 Mbaa fyɛ Yawe Yenɲele li yɛɛ ki maa kajɛnɛ  
 nari lere na;  
 gbɔgɔwɔ pi ma ta yɛɛ go sogowo po punɲo na.

**16**

<sup>1</sup> Senwee wi ma kagala keke kɔn ma tɛgɛ wa wi  
nawa mbe pye;  
ɛɛn fɔ ke pyewe po yɛn Yawe Yɛnɛɛle lo wogo.

<sup>2</sup> Senwee wi kapyegele ke ni fuun ke yɛn ma yɔn  
wi yɛɛ yɛgɛ na;  
ɛɛn fɔ Yawe Yɛnɛɛle lo li sɛnwee wi jatere  
pyelɔmɔ pi jɛn.

<sup>3</sup> Ma kala li le Yawe Yɛnɛɛle li kɛɛ,  
pa kagala ngele mɔ kɔn ma tɛgɛ mbe pye ke yaa  
yɔn ma kan.

<sup>4</sup> Yawe Yɛnɛɛle li yaara ti ni fuun ti da go ka na;  
ali yɛɛ lepee lɔu da jɔlɔgɔ pilige ko kala na.

<sup>5</sup> Lere nɔa fuun wi maa wi yɛɛ gbogo, wi kala li  
yɛn ma tijanga Yawe Yɛnɛɛle li yɛgɛ;  
ki woro na lere kɔɔn shyɛn, ki lerefɔ Yɛnɛɛle li  
se kaa yaga mbajɔlɔwɔ.

<sup>6</sup> Mbaa kajɛngɛ piin konaa mbe pye lere nɔa pɛ  
taga wi na, ki ma ti ma kajɔɔgɔ ki ma kala  
yaga ma na;  
lere nɔa wi maa fyɛ Yawe Yɛnɛɛle li yɛgɛ, wi ma  
kapege pyege ki yaga.

<sup>7</sup> Na lere nɔa tangalɔmɔ ka Yawe Yɛnɛɛle li  
ndanla,  
li ma tanwa le ki fɔ wo naa wi mbenfenne pe  
sɔgɔwɔ.



8 Ma yaara jenri ta kasinge ni,  
ko mbonro ma yarilegere ta nambara ni ko na.

9 Senwee wi ma kagala kon ma teger mbe pye;  
een fo Yawe Yengele lo li ma ti ke ma pye.

*Wunlumbolo pe kala*

10 Wunlunana wi senyoro ti yen paa Yengele li  
senre yen;  
wi kaa kiti wi kon wii daga mbe pungo.

11 Culo kanngaga woo naa culo na wi yala poro  
pe yen ma Yawe Yengele li ndanla;  
puwakuruye mbele pe ma pye wa kasha ki ni, lo  
kee tunngo yi.

12 Kapege pyewe pi yen ma tijanga wunlumbolo  
pe yeger na,  
katugu mbaa kasinge piin ko ki ma wunluwo  
pi kan yeresaga ni.

13 Mbele pe maa sensinde yuun, pe kala li yen  
ma wunlumbolo pe ndanla;  
lere na wi maa kaselege yuun, wi yen ma pe  
ndanla.

14 Wunlunana wi ka nawa ngban, wi mbe ya ti  
pe lere gbo;  
een fo senwee kajenge wi maa nangbanwa pi  
sogo wi na.

15 Wunlunana wi yeger welewe pi ka tanla, leele  
pe ma yinwege ta;

wi kagbaraga pyege ki yen paa yonro tisaga  
konjbannga yen.

*Lerewe kapyere cacenwe pi ni*

<sup>16</sup> Mbe kajenme ta ki mbonro ma we te tawa na;  
mbe tijinliwe ta ki mbonro ma we warifuwe tawa  
na.

<sup>17</sup> Lesinmbele pe tangalomɔ po yen mbe yee laga  
kapege ki na;  
lere na wi maa wi tangalomɔ pi korosi, wo maa  
wi yee yinwege ki korosi.

<sup>18</sup> Yee gbogowo pi ma lere jogo;  
yee nagawa pi ma lere jan.

<sup>19</sup> Mbɔɔn yee tirige mbe pinle mbele pe yen tege  
na pe ni,  
ko mbonro ma we ma sa pinle mbele pe maa pe  
yee gbogo, na yaara nda pe koli na yeele  
pe yee na ko na.

<sup>20</sup> Lere na wi ma jatere pye kala na, wi wogo ki  
ma yon;  
lere na wi maa jigi wi taga Yawe Yenhele li na,  
ferewe yen wi woo!

<sup>21</sup> Lere na wi jilige wa wi kotogo na, wo pe maa  
yinri tijinliwe fo;  
senjende yogo ki ma fannga ta lere na.

<sup>22</sup> Kagala korɔ jenme pi ma yinwege kan mbele  
pe kala jen pe yeri;

εεν ƒo lembire ti kambajenme pi ma jologo wa ti na.

23 Senwee kajenne wi ma jatere pye gben mbe si jen mbe para;  
ko ki ma fannga kan wi yon senre ti yeri.

24 Senjende ti yen paa senrege yen,  
ti ma kotoyingge kan senwee wi yeri konaa maa wire ti pagala.

25 Konɔ la ma pye sinne lere wa yegɛ na,  
εεν ƒo li kosaga ko ma pye kunwɔ.

26 Senwee wi fungbolo lo li maa le tunngo pyege ki ni;  
wi yon suro jawa pi maa wa tunngo na.

27 Lejaga wi ma tipege ki gbegɛɛ,  
wi yon senre ti yen ma pe paa kason ngbanli yen.

28 Tijinliwɛ pee ƒo wi maa maara kɔɔn;  
leele sangafɔ wi ma wenne kon pe yɛɛ na.

29 Lewɛɛwɛ wi maa lewee yenɛ wi fanla mboo pungo,  
mboo le kombege.

30 Lere na wi maa yengɛɛ ke ton na tipege jatere piin mbe pye, konaa mboo yongbasɛɛge ki nɔ ko jatere wo ni,  
ki ƒo wɛ tipege pye makɔ.

31 Lelewe yinzifire ti yen gbogwo wunluwo njala,  
mbele pe tangalomo pi sin poro pe mali ta.

32 Lere na wila la nawa ngbanni jaga jaga, wi  
mbonro malingbon kotogofa na;  
lere na wi maa yee yingiwɛ jen, wi mbonro lere  
na wi ma malaga gbɔn ma ca sho ma ta wi  
na.

33 Leele pe ma pete gbɔn mbe ta mbe kala la kɔn  
mbe tege;  
ɛɛn fo kala o kala li ma kɔn ma tege, li ma yiri  
wa Yawe Yenɛle lo yeri.

## 17

1 Ma yaakara wara jenri ta ma ka yeyinɛge na,  
ko mbonro go ki yin kara ni maa kaa, mbe sigi  
ta maara yen wa ki ni ko na.

2 Kulo na wi yen tijinliwe fo wi yaa ka cen wi tafɔ  
wi pinambyo lejaga wi go na;  
wi yaa ka wi tasaga ta wa wi tafɔ wi pinambiile  
sanmbala pe korogo ki ni.

3 Pe ma warifuwe wi yan wa fugufugu kason ki  
ni, mbe te wi yan wa yira kason ki ni mberi  
pye kpoyi,  
ki pyelomo nunɔba fun, Yawe Yenɛle lo li ma  
senwee wi sunndo wi cancan mbe wele,  
mboo tiyonwo pi jen.

4 Kapege pyefo wo wi maa nuru senpere yofo wi yeri;  
yagbogolo fo wo wi ma nungbolo jan senjagara yofo wi yeri.

5 Lere na wi maa tege fyonwo fo wi na, wi dafu wo ki fo wi maa tifaga;  
lere na wi maa yogori lere wa jolowo wogo na, Yennele li se ka ki fo wi yaga mbajolowo.

6 Pishyenwoolo pe yen paa wunluwo njagala yen lelenjanganala ke kan;  
piile pe gbogowo po pi yen pe sevenne wele.

7 Senjende ti woro ma yala wa lembige ki yon;  
ki pyelomo nungba pi na fun, yagbolo mbe yiri wa yekelewe wi yon ki tijanga ma we.

8 Yarikanra nda ti ma kan larawa, ti yen paa sinndelege songbanga wogo yen ti kanfenne pe yeye na;  
pe maa ki jate ma yo ti kanwa pi kala na, paga kee le kala o kala ni, li yaa yon.

9 Lere na wi ma kajoggo nga ki pye wi na ki kala yaga, wi maa ki jaa ndanlawa mbe pye pe sogowo;  
een fo, na wi ma koro na kajoggo nga ki pye ki senre yuun suyi, wi ma wenne jembete kon pe yee na.

10 Lere na wi jilige mboo jeregi, ki ma ye wi ni,

ma wε pe lembige gbɔn gbatorogo yenle cenme  
ni ki na.

11 Lepee wi maa nga jaa ko yen mbe yiri mbe je;  
εen fɔ pitunɔ ɲa wila lere yinriwe ta, pe yaa ka  
wa torogo wa wi yeri.

12 Cenge urusi nga ki piile pè wɔ ki keε, a ki  
jangari, mbe sa fili ko ka ni,  
ki mɔnɔ ma sa fili lembige ka ni, nga ki yen  
naga lembigewe kapyere piin ko na.

13 Lere ɲa wi ma kajenge ki fɔɔ tɔn tipege ni,  
tipege ki se kɔ wa ki fɔ wi go ki ni.

14 Mbe malaga kɔn ki yen paa yege nga na ma  
ma kaa lasulugo yenge we;  
sanni maara ti sa yiri ti ngban, ma yeε wɔ wa ti  
ni.

15 Lere ɲa wi ma tanga kan lepee wi yeri, konaa  
ɲa wi ma lesinɲe wi le jɔlɔɔ,  
pe ni fuun shyen pe kala li yen ma tijanga Yawe  
Yenɲele li yege na.

16 Mbe penjara le lembige ki keε ki sa kajenme  
lɔ,  
ko yaa yingi yɔn ki kan? Mɔ jen tijinliwe woro  
ki ni.

17 Wennε pe ma pye ma pe yeε ndanla wagati  
pyew,  
nɔsepyɔ wo ma pye le mɔɔn saga jorowo sanga  
ni.

- 18 Tijinliwε fu fɔ wo wi ma yɔn kan,  
mbe yere wi lewee yenle wa fɔgɔ ni mbege tɔn.
- 19 Lere ɲa maara yen maa ndanla, kapege ko ki  
yen maa ndanla;  
lere ɲa wi maa wi yeε nari, wi maa wi yeε  
jɔgɔsaga jaa.
- 20 Lere ɲa wi nawa pi woro ma filige wi na, wi  
se fεrεwε ta;  
lere ɲa wi yɔn ki pe wi na, jɔlɔgɔ yaa to wi na.
- 21 Lere ɲa wi ma lembige ki se, wi wogo yen  
jaterε piriwεn;  
kambajεnɲε wi to wila ya mbaa yɔgɔri.
- 22 Nayinmε pi maa yambagawa kaan;  
εεn fɔ jaterε piriwεn pi ma lere fanɲga kɔ.
- 23 Lepee wi ma yarikanra nambara woro sho  
larawa,  
mbe kiti wi kɔn mbe tɔn ɲga ki yen ma sin ki na.
- 24 Tijinliwε fɔ wila puɲgo kajεnme po na;  
εεn fɔ lembige ki yεngεle ke ma pye yaara nda  
ki se ya ta to na.
- 25 Pyɔ ɲa wi yen lembige, wi maa to wi nawa pi  
tanga wi na;  
mboo nɔ wi jaterε wi piri wi na.
- 26 Ki woro ma yɔn pe wɔnɔ wa lesinɲε wa na;

ki woro ma yala fun pe fannga fo wi gbɔn wi  
kasinṅge pyewe pi kala na.

<sup>27</sup> Lere ṅa wi maa wi senyoro ti kɔrɔsi, wo yen  
ma kala jɛn;  
lere ṅa wùu yee yingiwɛ jɛn, wo yen tijinliwɛ fo.

<sup>28</sup> Ali yere tijinliwɛ fu fo, na wi ka pyeri, pe maa  
ki jate ndɛɛ wi yen kajɛnṅɛ;  
na wi kaa yɔn ki tɔn, pe maga yan ndɛɛ wi yen  
tijinliwɛ fo.

## 18

<sup>1</sup> Lere ṅa wi maa cɛɛn wi ye, wi yɛɛra tɔnli wo  
wi maa jaa;  
paga yo pe yaa wi saga jatere jɛnṅɛ ni, wi ma  
nawa ṅgban.

<sup>2</sup> Nṅa ki yen ma lembige ki ndanla ko ma ki yen  
tijinliwɛ we;  
ɛɛn fo mboo yɛɛra nawa kala li naga, ko ki yen  
maa ndanla.

<sup>3</sup> Tipewe pi maa paan letifagawa ni;  
mbe yee tifaga ki maa paan fere ni.

<sup>4</sup> Senwee wi yɔn senre ti yen ma jugo paa kɔgɔje  
yen;  
ti yen paa lafogo yen ṅga kɔ yin ma jaraga, ti maa  
kajɛnme kaan.

<sup>5</sup> Ki woro ma yɔn pe gbogolo lepee wi ni, pe tanga  
ki kan wi yeri;



mbe si kiti kɔn mbe tanga ki sho lesinne wi yeri,  
ki woro ma yɔn.

<sup>6</sup> Lembige ki senyoro ti maa maara kɔɔn;  
ki yɔn senre ti ma kaa wi kan pe maa gbɔn.

<sup>7</sup> Lembige ki senyoro ti maga jɔgɔ,  
ki yeera yɔn senre ti maga yigi paa penɛ yen.

<sup>8</sup> Leele sangafɔ wi senre ti yen paa sutanra yen,  
ti ma ye ma gbɔn fɔ wa senwee wi sunndo wi na.

<sup>9</sup> Lere ŋa wi maa tiyanra piin wa wi tunngo ki  
ni,  
wo naa jɔgɔwɔ pyefɔ wi ni pe ni fuun pe yen  
nunɔba.

<sup>10</sup> Yawe Yenɔɔle li yen paa malaga sigesanngazo  
yen,  
lesinne wi ma fe ma saa lara wa mbe sho.

<sup>11</sup> Penjagboro fɔ wi penjara ti yen wi yeri paa  
malaga sigeca yen;  
wi maa ki jate ndɛɛ malaga sigembogo yi, ŋga ki  
maa wi go singi yaraga pyew ki na.

<sup>12</sup> Yɛɛ gbɔgɔwɔ pi ka pan wa senwee wi kotogo  
na, ki punɔgo kala li yen jɔgɔwɔ;  
ɛɛn fɔ mbe yɛɛ tirige, ki punɔgo kala li yen  
gbɔgɔwɔ.

13 Lere ña wi ma yon sogowo kan senre na, na  
wi fari logo mbe wali ti na, ki fo wi yen  
tjinliwe fu fo,  
fere ti yen wi woro.

14 Senwee wi jatere wi ka pye mbe cen wi na, ki  
maga kan wi ma ya yama pi ni;  
ɛɛn fo jatere wi ka piri wi na, ambo wi yaa  
fannga kan wi yeri?

15 Lere ña wi jilige wi ma yenle mbe jenme ta,  
kajenmbele pe maa nagawa senjende jaa mbe  
logo.

16 Yarikanra ti ma konɔ kan senwee wi yeri,  
mbe ti wi ya wila gbɔɔn legbɔɔlo pe na.

17 Lere ña wi ma keli ma wi kiti konkala li yege  
yo, pe maga yan nde wo wogo ko ki tanla;  
ɛɛn fo na wi maliwee wi ka ka pan mboo woyoro  
ti yo, pe meɛ ti segeɛge mbe sa yiri wa.

18 Mbe peɛ gbɔn mbe kaselege ki jen, ki ma  
malaga ko,  
mbe kala la kon mbe tege fannga fenne pe  
sogɔwo.

19 Sefo ña pe ye wi tege, mbe fulo wi tanla ki  
ngban ma we, ma sa to malaga sigeca na  
maga sho ko na;  
malaga ki kɔwo pi ngban ma we mbe wunluwo  
go ki sogɔyaara ti kaari ko na.

20 Senwee wi maa wi yon suro ti taa wi yon senre  
to fannga na;  
wi yon senyoro ti fannga na, wi maa kaa na tinni.

21 Senwee wi senyoro ti mbe ya ti wi kunwo ta  
nakoma wi yinwege ta,  
yogo ki ka lere na ndanla, wi ma kaa ki tonli wi  
ta.

22 Lere na wi jele ta ma pori, ferewe yen wi woo;  
kagbaraga Yawe Yenjele li pye ki fo wi kan.

23 Fyonwo fo wi maa para go sogowo ni,  
een fo penjagboro fo wi maa yon sogo  
senngbanra ni.

24 Wenne legere ka pye lere na yeri, wi mbe ya  
jologo ta,  
een fo wonlo ngbarawa wi ma mara ma na ma  
we nosepyo na.

## 19

1 Fyonwo fo na wi nawa pi yen ma filige wi na,  
wo mbonro lembige nga ki maa finlele ko na.

2 Mbe ye kala li ni li mbajenme, ko si yon;  
mbe fyeele mbe toro, ki ma lere pungo.

3 Senwee wi lembigewe pi maa le kombege;  
kona wi mee nawa ngban Yawe Yenjele lo ni.

4 Penjagboro tawa pi ma senwee wi wenne pe  
lege;

εεν fɔ fyɔnwɔ fɔ wi wenne pe ma laga wi na.

<sup>5</sup> Serefo yagboyoo wi se ka koro mbajolowɔ;  
lere ɲa wi maa yagbogolo finlele wi se ka sho  
jɔlogɔ ki ni.

<sup>6</sup> Lelegere pe maa ki jaa pe kala li legboɔ wi  
ndanla;  
lere ɲa wi maa kaan, wi ma pye leele pe ni fuun  
pe wonlo.

<sup>7</sup> Fyɔnwɔ fɔ wi nɔsepiile pe ni fuun pe maa  
panra;  
wi wenne poro wogo ko we, pe ma laga wi na;  
ali na wi kaa jaa mbe para pe ni, wila lere yan.

<sup>8</sup> Lere ɲa wi maa ki jaa mbaa jatere piin, wi yeera  
kala li yen maa ndanla;  
lere ɲa wi ma kagala kɔrɔ jenme pi ta, ferewe  
yen wi woo!

<sup>9</sup> Serefo yagboyoo wi se ka koro mbajolowɔ;  
lere ɲa wi maa yagbogolo finlele wi yaa ka tongo  
mbe wo wa.

<sup>10</sup> Mbaa ma yinwege ki piin paa legboɔ yen, kii  
daga lembige ni;  
ki pyelomɔ nunɔgba pi na fun, kulo wii daga mbe  
cen wunluwo piile go na.

<sup>11</sup> Lere ɲa wi jilige wi maa kala kunni wi ye ni;  
wi ma kajogɔ ɲga ki pye wi na ki kala yaga, ko  
ma pye wi gbogowɔ.

12 Wunlunaṅa wi nanḡbanwa pi yen fyere ni paa jara gbelege yen;  
εεν fɔ wi kagbaraga ki yen paa fɔongɔ yen, ṅga kɪ wo yan na.

13 Pyɔ ṅa wi yen lembige, wi ma jɔlɔgɔ wa wi to wi na;  
jɛɛ maara kɔnfɔ wi ma pye paa tɔnmɔ sɔlɔsaga yen, ṅga ki maa sɔlɔ suyi.

14 Lere mbe ya mbe go naa penjagbɔrɔ ta kɔrɔgɔ wi teele pe yeri;  
εεν fɔ jɛɛ ṅa wɪ jilige, Yawe Yenṅɛɛ lo li ma wo kan lere yeri.

15 Tiyanra ti ma wɔnlɔwɔ gbɔɔ wa lere na, lere ṅa wi ma koro tunḡgo mbapyege, funḡgo ma to wi na.

16 Lere ṅa wi maa tanri ṅgasegele ke na, wi maa wi yɛera yinwege ki kɔrɔsi;  
εεν fɔ lere ṅa wi woro naa tangalɔmɔ pi kɔrɔsi, wo yaa ku.

17 Lere ṅa ka kajɛḡɛ pye fyɔnwɔ fɔ wi kan, ki fɔ wɪ fɔgɔ taga Yawe Yenṅɛɛ li na;  
li yaa ka ki fɔ wi kajɛḡɛ ki fɔgɔ tɔn wi yeri.

18 Ma pyɔ wi koro sanga ṅa ni ma jigi wi yen ki na mboo saga;  
εεν fɔ maga ka nawa ṅgban wi ni fɔ mbe saa wi gbosaga jaa.

19 Lere ɲa wì nawa ɲgban na lewɛɛwɛ kapyere  
piin, wi daga mbe yariwɔndɔ wɔ;  
nakoma ma kaa kala yaga, wi yaa nuru mbe ka  
pye naa.

20 Ta yerewɛ senre ti nuru, ma yenle nagawa  
senre ti na;  
janɔ ko punɔ na, ma pye kajɛnɛ!

21 Kagala legere yen wa senwee wi nawa mbe  
pye,  
ɛɛn fɔ Yawe Yenɲɛle li ka ɲga kɔn mbe tɛɛ ko  
ki yaa pye.

22 ɲga pe maa jaa senwee wi yeri ko yen fɔ wi  
pye lere ɲa pe taga wi na;  
ma pye fyɔnwɔ fɔ ko mbɔnrɔ ma pye yagbogolo  
fɔ ko na.

23 Mbaa fyɛ Yawe Yenɲɛle li yɛɛ ki ma yinwege  
kan lere yeri;  
wi ma tin wi yɛɛ ni, ma cɛn yeyinɲɛ na, tipege  
kpɛ se ya gbɔn wi na.

24 Tiyanɲa wi maa kɛɛ ko le wa sogbolo lo ni,  
ɛɛn fɔ wila ya mbege songɔrɔ yerɛ mbe kari ki  
ni wa wi yɔn ko yeri.

25 Lere ɲa wi maa kala lakoo, na ma kaa gbɔn,  
kambajɛnɲɛ wi kaga yan, wi ma tijinliwɛ  
ta;  
na maga tijinliwɛ fɔ wi yeri, ki ma ka taga wi  
jenmɛ pi na.

26 Pyo ŋa wi maa to wi wogo ki jɔgɔ, mboo no wi purɔ,  
wi yen pyo ŋa wi ma fere wa lere na, ma letifagawa kala pye.

27 Na pinambyo, na mee yenle mbaa nagawa senre ti nuru,  
ma yaa ma yee laga lali jenme pi ni.

28 Serefo tipee wi maa tɛge kaselege ki na;  
kapege pyege ki yen ma lepee wi ndanla.

29 Jɔlɔgɔ yen ma gbegɛle na mbele pe maa kala lakoo pe singi;  
gbɔnrɔ yen ma gbegɛle na lembige ki pɔgɔlɔ ke singi.

## 20

1 Duvɛn wi ma lere kan wi maa wi yee gbogo,  
sinme welewe pi maa paan yogo legere ni;  
lere o lere wi maa pi woo na tinni wo yen kambajɛnɛ.

2 Wunlunaŋa wi nanɣbanwa pi yen fyere ni paa jara yirifɔnɔ ma kaa na gbele we;  
lere ŋa ka wi nawa pi ŋban, wi maa yee go ki pere.

3 Mbɔɔn yee laga lali maara ti ni, ki ma gbɔgɔwɔ kan lere yeri;  
ɛɛn fo kambajɛnɛ wi maa maara kɔɔn.

4 Were ti kala na, tiyanṅa wila yenle mbaa fali  
wa wi kere,  
na yarilire konsanga wiga ka pan mbe gbɔn, wi  
maa ki jaa mbe yarilire kɔn,  
ɛɛn fɔ wila yaraga ka kpe ta.

5 Kagala ngele senwee wi ma kɔn ma tege wa wi  
nawa ke yen ma lara paa latijugo tonmo  
yen,  
ɛɛn fɔ lere ṅa wì jilige, wo wi ma ke yirige funwa  
na.

6 Lelegeɛɛ pe maa ki yuun ma yo pe yen leele  
mbele pe mbe ya taga pe na;  
ɛɛn fɔ lere ṅa pe mbe ya taga wi na wo tawa si  
tanla.

7 Lesinṅe wi tangalɔmo pi yen ma filige,  
wi punḡo na, ferewe yen wi piile pe woo!

8 Na wunlunana wi ka cɛn kiti kɔngɔ ki na sanga  
ṅa ni,  
ṅga fuun ki yen tipege, wi maga yan teere.

9 Ambɔ wi mbe ya mbege yo mbe yo fɔ: «Milan  
nawa pi pye pì filige,  
na kapere pyew ti laga na na mala pye kpoyi?»

10 Mbaa perege naa lonɔ piin puwakuruye cenle  
shyen nakoma tiwiyaara cenle shyen ni,  
ki kagala shyen ke yen ma tijanga Yawe Yenṅele  
li yege na.

11 Ali yere pyɔ jɛɛ wi kapyegele ke maga naga,



na kaa pye wi tangalomo pi yaa ka pye jeregisaga  
fu konaa mbe sin.

12 Yawe Yenhele lo li nungbogolo ke da mbaa  
nuru ke ni,  
konaa ma yengele ke da mbaa yaan ke ni.

13 Maga ka ti wonlowo poon ndanla mbe sa toro,  
janngo maga ka pye fyonwo fo;  
een fo maa yinrigi faa, pa ma yaa la yaakara taa  
mbaa tinni.

14 Lofa wi maa gbele na yuun fo: «Ki woro ma  
yon! Ki woro ma yon!»  
Na wiga ka lo mbaa kee, wi mee yo fo wi yerijege  
ta.

15 Te wi ma ta, somu sonngbanga woo wi legere  
ma ta,  
een fo lere na jenme senre maa yinrigi wa wi yon,  
wo yen yaraga nga ki yen sonngbanga  
wogo naa ma we to na.

16 Na lere wa ka yere letelewe wa fogo go kala  
ni, ki fo wi derege ki sho wi yeri maga tege  
fogo ki yonlo;  
na wi ka yere nambanpa wa fogo go kala ni,  
yaraga ka sho wi yeri maga tege fogo ki  
yonlo.

17 Suro nda ti ta nambara ni, ti ma tanla wa  
senwee wi yon;  
een fo pungo na, ti ma pye paa yelege yen maa  
yon ki yin kanw.

18 Kagala ηgele senwee wì kòn ma tεε mbe pye,  
ke ma pye ma yòn fili yerewe po fannga  
na;  
na ma kaa kee malaga, ma daga mbe jatere pye  
ma kagala ke na.

19 Lere ηa wi maa lesangara senre yuun, wi ma  
ηgundo kagala ke yirige funwa na;  
toon yeε korosi lere ηa wi yòn ki yen forifori wi  
ni.

20 Lere ηa wi maa to naa wi nò pe tifaga,  
wi yaa wi yeε yinwege ki yan kila koo paa fitanla  
yen, ηa wi yaa figi diwi wolo ni.

21 Penjagboro nda tì ta fyεge na wa ki lesaga,  
punjo na duwaw na pye ti ni.

22 Maga ka yo fò: «Kapege ηga kì pye na na, mi  
yaa ki fogo ton.»  
Ma jigi wi taga Yawe Yenηele li na, pa li yaa ma  
sho.

23 Puwakuru ηa pe ma gbòn ma piri, wi kala li  
yen ma tijanga Yawe Yenηele li yege na;  
mbe culo wi nambara ki woro ma yòn.

24 Senwee wi yinwege kala pyew li yen Yawe  
Yenηele lo keε;  
senwee yinwege ki yen na kee laga ηga na, wi  
mbe ya mbege jen meε?

25 Lere na wi ma yon folo kon fyelge na mbe yo  
wi yaa yaraga ka kan Yawe Yenhele li yeri,  
ki yon folo li lengolo mbe si jen mbaa jatere piin,  
ki fo wi maa yee le penε.

26 Wunlunana na wi yen kajenne, wi ma lepee  
pe pe ma pe wo wa;  
wi ma pe le jologo, wila pe yinriwe ta.

27 Senwee wi jatere wo wi yen fitanla yanwa mba  
Yawe Yenhele li kan wi yeri,  
jango mbaa wi nawa kagala ngele ke yen ma  
jugo ke cancan mbe ke jen.

28 Kagbaraga konaa mbe pye tagawa ni, ko ki  
maa wunlunana wi go singi;  
kagbaraga pyege ko ki maa wunluwo pi kan  
yeresaga ni.

29 Lefonmbolo pe fannga ko ki yen paa pe  
fereyaraga yen;  
lelele pe yinzifire to ti yen pe gbogowo we.

30 Gbonro sagbanra to ti yen kapege pyefo wi  
kapege ki were re;  
gbonro nda ti ma ye senwee wi ni, ti maa nawa  
jatere wi kannga maa pye kpoyi.

## 21

1 Wunlunana wi jatere wi yen Yawe Yenhele li  
kee, na wi yee sinni paa lafogo tonmo yen,  
laga nga ka li ndanla li ma pi yee sin wa ma.

<sup>2</sup> Senwee wi kapyegele ke ni fuun ke yen ma yon  
wi yee yee na;  
εεν fo Yawe Yenhele lo li ma senwee wi jatere  
pyelomo pi jen.

<sup>3</sup> Mbaa nga ki yen ma yala konaa ma sin ki piin,  
ko yen ma Yawe Yenhele li ndanla ma we saraga  
womo na li yeri ko na.

<sup>4</sup> Mbaa yee tungu leele na konaa mbaa yee gbogo,  
ki yen kagala hegele ke maa lepee wi kapege ki  
nari.

<sup>5</sup> Lere na wi ma kagala kele konkon ma tegetege  
wi tunngo ki pyelomo pi na, wi ma kaa  
yarijende legere ta;  
εεν fo lere na wi ma fo ma kee le kala ni, ki  
kosaga wi ma pye fyonwo fo.

<sup>6</sup> Mbele pe ma yarijende legere ta yagbogowo pi  
fannga na,  
ki yen paa tifelege torowogo yen, nga ki ma  
kunwo kan lere yeri.

<sup>7</sup> Lepeepe pe lewelewe kapyere ti yaa ka pe jogo  
mbe pe wo wa,  
katugu paa yenle mbaa kasinnga piin.

<sup>8</sup> Kajoggo pyefo wi tangalomo pi yen ma kolo,  
εεν fo lere na wi nawa pi filige wi na, wi  
tangalomo pi ma pye ma sin.

<sup>9</sup> Maa wonlo wa birigo ki go na logologo wa ni,

ko mbonro ma pye go nungba ni jele malinjagara  
winfo wi ni ko na.

10 Kapege pyege ki la ma pye lepee wi na,  
wila wi wonlo jate wi yinriwe ta yere.

11 Na wi maa kala lakoo, na paga wi le joloo, ki  
ma kajenme kan kambajenne wi yeri;  
na maga tijinliwe fo wi yege naga, wi ma jenne  
ta.

12 Yennele le, lo na li yen ma sin, li yege yen nga  
ki yen na piin wa lepee wi go ki na;  
li ma joloo wa lepee wi na fyaw.

13 Na wi yen tege na wi kaa gbele mbaa sagawa  
jaa, lere na wi maa nungbogolo ke ton ki  
na,  
wo fun wi yaa ka yeri mbe sagawa ja, en fo pe  
se kaa yon sogo.

14 Mbe yarikanga kan nanbanwa fo wi yeri  
larawa, ki maa nanbanwa pi sogo wi na;  
mbe yarikanga ki kan ngundo ni, ki maa  
nanbanwa gbo pi ko.

15 Mbaa tanri nga ki sin ki na, ki ma pye nayinme  
lesinne wi yeri;  
en fo ki ma pye fyere gboro ni kapege pyefo wi  
yeri.

16 Lere o lere kaa yee laga tijinliwe konon li na,  
sanni jenni wi yaa wi yee yan wa kuulo pe  
sogowo.

17 Katangala ke yen ma lere na ndanla, wi ma kaa pye tege na;  
duven wo naa legboolo lige ki yen ma lere na ndanla, wo se pye penjagboro fo fyew.

18 Lepee wo wi yaa ka pye lesinnye wi go shogo sara;  
leele fanlafa wo wi yaa ka pye lejennye wi go shogo sara we.

19 Lere mbe sa cen wa gbinri wi ni wi ye,  
ko mbororo wi sa cen jele na wi yen malinjagara fo naa cenngbanwa fo wi ni ko na.

20 Yarijende tiyoro naa sinme liwoo ma pye wa kajennye wi go;  
een fo lembige ko ma ki woro ti ni fuun ti li yon.

21 Lere na kaa kasinnye naa kajennye jaa mbaa piin, ko fo wo yaa yinwege ta;  
pe yaa wi yigi kasinnye ni mbaa wi gbogo.

22 Kajennye wi ma ya ma ye, ma malingboonlo welimbele ca sho maga ta;  
pe jigi wi yen ca ki fannga laga nga na, wi maga tongo.

23 Lere na wi maa yon konaa wi senyoro ti yingiwe jen,  
ko fo wo maa yee sho nandangawa kagala ke na.

24 Lere na wi maa wi yee nari naa yee gbogo, wo wi maa kala la koo leele na;

wi maa wi kagala ke ni fuun ke piin yeε gbogowo ni.

25 Kagala ηgele ke la yen tiyanηa wi na, ke mbapyewe po pi yaa kaa gbo; katugu wila yenle mbaa tunηgo piin wi wire ti ni.

26 Pilige lombonηo ki ni, wi yege maa yinrigi yaara ti na, tila wi yenle tin; ma si yala lesinηe wo maa kaan wila keε ηgban.

27 Lepee wi saraga ki yen yaritijaanga, pee ka logo wigi wo nawa jatere pee ni.

28 Yagbogolo serεya yofo wi yaa ka tongo mbe wo wa; εen fo lere ηa wi ma senre ti logo ma wali ti na, wo wi ma yosaga ta na para suyi.

29 Lepee wi maa go ki sheli na kagala ke piin, εen fo lesinηe wi maa wi tangalomο pi korosi.

30 Senwee wi kajeηme, naa wi tijinliwe, konaa wi jatere pyewe po pa se ya mbe Yawe Yenηele li nandanwa kala li kanηga.

31 Senwee wi ma shon gbεgele malaga gbonpillige ki mege ni, εen fo cew tawa pa po ma yiri wa Yawe Yenηele lo yeri.

## 22

<sup>1</sup> Metanga ki mbonro yarijende legere tawa na,

ma kala li ka leele pe ndanla ko mbonro wari-  
fuwe naa te na.

<sup>2</sup> Penjagboro fo wo naa fyonwo fo wi ni pe yen  
ja,  
Yawe Yenjele lo li pe ni fuun shyen pe da.

<sup>3</sup> Lere na wi jilige, wi ka tipege ki yan kila paan,  
wi ma lara;  
ɛɛn fo kambajenje wo ma tipege ki yan, ma saa  
ye wa ki ni ma jologo wa wi yee na.

<sup>4</sup> Mboon yee go sogo, konaa mbaa fye Yawe  
Yenjele li yee,  
ki tonli wo wi yen penjagboro tawa, naa gbogwo  
konaa yinwetonlogo.

<sup>5</sup> Wuuro naa penjele ma pye wa lembasinje wi  
konɔ li ni,  
ɛɛn fo lere na wi maa wi yee yinwege ki jaa, wi  
maa yee laga lali li ni.

<sup>6</sup> Konɔ jenne na pyo wi daga mbaa tanri li na, wi  
naga li ni,  
ali na wi ka ka yiri mbe le, wi se wo wa li ni.

<sup>7</sup> Penjagboro fo wi ma cen fyonwo fenne pe go  
na,  
fogo konfo wi ma pye fogo tagafo wi kulo.

<sup>8</sup> Lere na kaa kambasinje piin, tipege wi ma ta,  
wi lewelewe kapyere wi maa ti piin fanna nga  
ni, ki yaa ka ko.



<sup>9</sup> Lere ɲa wi maa kajɛɲɔ piin wi yaa duwaw ta, katugu wi maa wi yaakara ta kaan fyɔnwɔ fenne pe yeri.

<sup>10</sup> Lere ɲa wi maa tɛgɛ leele na, wi purɔ, pa malaga ki yaa kɔ; kendige wɔgɔ konaa mbaa ye yɛɛ tifaga ki yaa kɔ fun.

<sup>11</sup> Lere ɲa ki yen maa ndanla wi nawa pi filige wi na, a wila senjende yuun, wi mbe ya pye wunlunaɲa wi wɔnlɔ.

<sup>12</sup> Jenme jembe pi yen lere ɲa yeri, Yawe Yenɲele li maa wele wi na; ɛɛn fɔ li ma nambara fɔ wi senre to jɔgɔ.

<sup>13</sup> Tiyanɲa wi ma yo fɔ: «Jara yen wa funwa na! Na mi ka yiri, wi yaa na gbo wa konɔ!»

<sup>14</sup> Jɛɛle nandaala pe yɔn senre ti yen paa wetijugo yen, Yawe Yenɲele li ka nawa ɲgban naɲa ɲa ni, wo wi ma to wa ki ni.

<sup>15</sup> Tijinliwe fu kapyere to ti ma pye wa pyɔ wi kotogo na, mboo gbɔn sanwiga ni mboo koro, ko ki maa wɔ ti ni.

<sup>16</sup> Lere ɲa wi ma fyɔnwɔ fɔ wi jɔlɔ mbe ta mbe ka taga wi yarijende ti na,

nakoma lere ɲa wi ma yarikanra kan penjagboro  
fo wi yeri, ki lerefo wi ma kaa pye fyɔnwɔ  
fo.

*Yerewe senre kagala kele na  
ke ye ke ye*

<sup>17</sup> Nunɔgbolo jan ma kajɛnmbɛɛ pe senre ti logo,  
ma jatere wi tege jɛnmɛ senre nda mila yuun ti  
na.

<sup>18</sup> Katugu ki yaa nayinmɛ kan ma yeri, na ma  
kari tege wa ma nawa we;  
ma gbɛgele maa ti yuun na senre ka pan.

<sup>19</sup> Mila jaa mbɔɔn naga nala,  
janɔgo mɔɔ jigi wi taga Yawe Yɛnɲɛɛ li na.

<sup>20</sup> Mi yo mi yerewe senre nafa ma yiri ke yɔnlɔgo  
ma kan ma yeri,  
mbaa ma yeregi konaa mbaa jɛnmɛ kaan ma  
yeri?

<sup>21</sup> Janɔgo mbe ɲga ki yɛn tagawa ni konaa  
kaselege ki ni, ti naga ma na;  
ki ka pye ma, lere ɲa wɔɔn tun ma sa kaselege  
ki lagaja, ma ta ma yɔn sogomɔ jɛmbɛ kan  
wi yeri.

<sup>22</sup> Maga ka fyɔnwɔ fo wi keɛ yaara ti sho wi yeri,  
katugu wi yɛn fyɔnwɔ fo;  
lere ɲa wi yɛn tege na ma pye lere si yere wi ni,  
maga kaa jɔlɔ wa kiti kɔnsaga;

<sup>23</sup> katugu Yawe Yɛnɲɛɛ li yaa ka yere pe kala li  
ni,  
pe keɛ yaara mbele pɛri sho pe yeri, li yaa ka pe  
yinwege ki kɔ.

24 Maga ka wɛɛnrɛ le lere ɲa wi maa nawa  
 ɲgbanni jaga jaga wi ni,  
 maga kaa pinlɛɛ lewɛɛwɛ ni.

25 Nakoma ma yaa kaa wi tangalomo pi forogi,  
 mbe ka sa ma yɛɛ le penɛ.

26 Maga ka yere ki yerewe mbe yere lere wa go  
 fɔgo ni,  
 maga ka yon kan mbe pye lere wa fɔgo sɛrɛfo.

27 Na kaa pye yaraga woro ma yeri ma fɔgo ki  
 ton,  
 yingɪ na ma yaa si ti pe pan poon sinleyaraga ki  
 wo wa ma noɔ, mbege sho ma yeri?

28 Ma telɛye paa sinndɛɛrɛ nda yerege maga le  
 wa fafafa, ma kɛɛrɛ ti kongolo ke gbɔn,  
 maga ka ka wo wa ki yongolo nunɔba ke ni.

29 Maga lere o lere yan wi yɛɛ to naa tunɔgo ki  
 piin jɛɲɛ,  
 ki kosaga wi ma ka saa na tunɔgo piin wunlum-  
 bolo kan;  
 wi se koro mbaa tunɔgo piin leele mbele pee pe  
 mɛɛ jɛn poro kan.

## 23

1 Na ma ka sa cɛn lisaga legboɔ wa ni,  
 lere ɲa wi yɛn ma cɛn ma yɛɛ sɔgowo, ta wi  
 korosi.

2 Na kaa pye ma yɛn mafɛ fo,  
 moɔ mafɛ suro lige ki yerege.

3 Ma yɛɛ ka ka yiri wi yaakara tanra ti na,  
 pe yɛn nari kaan ma yeri noɔ leɛ.

<sup>4</sup> Maga kaa ma yee tege mbaa penjagboro lagajaa, maga kaa ki wogo ki jate yere.

<sup>5</sup> Ma yengele kaa tuun penjagboro ti na, ti mee ko le teere saw; ki ma cen ndee ti kanwira kan ti yee na, mbe yiri sire na paa yon yen, mbe kari lege wa naayeri.

<sup>6</sup> Maga ka yenle mbe sa lere na wila ma wele tipege ni wi suro li;

ma yege ka ka yiri wi yaakara tanra ti na;

<sup>7</sup> katugu nga ki yen wa wi nawa konaa nga wi ma yo, ki woro nungba;

wi ma yo fo: «Ta nii, ta woo,» mbe sigi ta ki woro na yiin wa wi nawa.

<sup>8</sup> Ko pungo na, singbele na ma li, ma yaa li tuguru;

sentanra nda ma yo wi ni, ti yaa yiri waga.

<sup>9</sup> Maga ka senre yo lembige ki kan,

katugu ki yaa ma tijinliwe senre ti tifaga.

<sup>10</sup> Sinndee nda pe yerege maga le wa fafafa, ma lara ti kongolo ke gbon, maga kari wo wa ti yongolo ke ni,

mbe kere kon mbe ye wa pijiriwele pe lara ti ni;

<sup>11</sup> katugu pe go shofa, fannga yen wi ni;

wi yaa ka yere pe go kala li ni mbe win ma ni.

<sup>12</sup> Kara na paa kaan ma yeri, ma yee kan wi yeri ma kotogo ki ni fuun ni,

ma nungbolo jan ma jenme senre ti logo!

13 Maga ka pyo wi yaga mbakorowo,  
na ma kaa gbɔn sanwiga ni mboo koro, wi se ku.

14 Na ma kaa gbɔn sanwiga ni mboo koro,  
ma yaa wi sho kunwo pi kee.

*Yerewe mba teele pe kan  
pe pinambiile pe yeri*

15 Na pinambyo, na kajenne ka pye wa ma  
kotogo na,

pa mi fun mi yaa yogorimo ta wa na kotogo na.

16 Na ma kaa kaselege senre yuun,  
mi yaa la yogori wa na nawa.

17 Maga kaa yege yinrigi kapere pyefenne pe na,  
en fo, maa fyε Yawε Yennele li yege wagati wi  
ni fuun ni.

18 Ki ka pye ma, pa ma goto wi yaa yon,  
ma jigi tagasaga ki se ko.

19 Na pinambyo mboro wo na, logo na yeri, ma  
pye kajenne,

moo jatere wi tege kozinne li na.

20 Maga ka pye sinwoolo pe ni,  
nakoma mbele pe wogo yen mbaa kara legere  
kaa pe ni;

21 katugu sinwoolo poro naa sugboro lifenne pe  
ni, ki kosaga pe ma kaa pye fyonwo fenne;  
pe tiyanra ti kala na, pe yaa kaa yariporo  
konrokono nii.

22 Ta nuru ma to wi yeri, wo na won se we;  
maga ka ma no wi tifaga, ali na wi ka ka le.

23 Kaselege ki lagaja maga ta, maga ka ti ki sho ma yeri;

ma kajenme naa nagawa konaa tijinliwe pi lagaja, maa ta fun!

24 Yɔgɔrimɔ yen lesinɛ wi to wi woo, lere ɲa ka pyɔ kajenɲe se, nayinme yen wi woo!

25 Ki yaga ma to naa ma nɔ wi ni paa yɔgɔri, ki yaga ma nɔ ɲa wɔɔn se wi nayinme ta!

26 Na pinambyɔ, ma jigi wi taga na na, maga yaga na tangalɔmɔ pɔɔn ndanla!

27 Katugu nanjaa wi yen paa wetijugo yen, jele kalikali fɔ wi yen paa kɔlɔ yen, ɲa wi wele li yen ma jori.

28 Wi ma lara na singi paa benɲanri pyefɔ yen; wi ma nambala legerɛ le kalikalawa pi ni.

### *Sinwɔɔlɔ pe kala*

29 Ambɔ wi ma yo fɔ: «How?» Ambɔ wi ma yo fɔ: «Ew?»

Ambɔ wi maa wiin suyi? Ambɔ wi nawa yen ma tanga wi na?

Ambɔ pe maa gbɔɔn go fu naa welegi sanga pyew?

Ambɔ yengele ke yen ma yanlaga wi na?

30 Mbele pe maa cɛɛn na mɔni wa duven wɔgɔ ki na, poro wele;

mbele pe maa duven cɛngele ke pinlele ke yɛɛ ni naa woo poro wele.

31 Maga kaa duven wi yenwe tiyɔnwɔ po wele mbaa yege yinrigi wi na,

maga kaa wi ηgborogo konaa wi yen sooro yege  
 nga na wa wojenne li ni ki wele mbaa yege  
 yinrigi wi na.

Wi tigiwen po yen ma tanla wa senwee wi  
 yagbolo lo ni,

<sup>32</sup> Een fo ki kosaga, wi ma kaa ma no paa woogo  
 yen;

wi ma kaa ma no paa firisho yen.

<sup>33</sup> Kona ma yege ki yaa la kanngi maa yaara ta  
 yege yaan,

ma jatere wi yaa ma kan maa go fu senre yuun.

<sup>34</sup> Ma yaa pye paa lere wa yen, na wi yen ma  
 sinle wa kogoje wi nandogomo,

paa lere wa yen, na wi yen ma sinle wa tiyala  
 na li ma pye tonmokoro gbenge ki go na li  
 naayeri, a laa fingi wi ni.

<sup>35</sup> Ma yaa yo fo: «Panla gbɔn, een fo kii na ya;

panla faragi, een fo mi sigi sanga jen;

na mi ka ka yen, mi yaa sa pa lagaja mbe wo  
 naa.»

## 24

*Yerewe senre nda ti kan  
 kajenne wo naa lepee wi yeri*

<sup>1</sup> Maga kaa yege yinrigi lepee pe na,  
 maga kaa ki jaa mbe pye pe pinleyeenle;

<sup>2</sup> katugu lewelewe kapyere to pe maa jate mbaa  
 piin,

tipege nga pe yaa pye ko senre pe maa yuun.

<sup>3</sup> Kajenne po fannga na lere ma ya ma go kan,  
 tijinliwe po fannga na ki ma yeresaga ta.

<sup>4</sup> Jenne pi fannga na, pe ma yumbiile pe yinyin

yarijende sɔnɔgbanga woro ti cɛnle pyew naa ti  
tiyɔnrɔ ta ni.

<sup>5</sup> Senwee kajenne wi ma pye fannga ni,  
lere ɲa wi jɛnmɛ ta wi maa ka tari wi fannga ki  
na.

<sup>6</sup> Kagala pyelɔmɔ jatere jenne wi ma ti ma ma ya  
ma malaga gbɔn;  
na yerifenne paga lege, ma ma cew ta.

<sup>7</sup> Kajenme pi laga yen ma lali tijinliwe fu fɔ wi  
ni,  
ki kala na wi se ya para wa kagala yege wɔsaga,  
wa ca ki mbogo yeyɔngɔ ki na.

<sup>8</sup> Lere ɲa wi maa ki sɔnri mbe kapege pye,  
pe maa ko fɔ wo yinri jɔgɔfɔ.

<sup>9</sup> Tijinliwe fu fɔ, kapege ko wi maa jate mbaa  
piin,  
lere ɲa wi maa kala lakoo, wi kala li ma tijanga  
leele pe yege.

<sup>10</sup> Na maga kotogo la kanɔgbanga sanga ni,  
kona ma fannga ki kologo fɔ jɛnge.

<sup>11</sup> Pe yen na kee mbele ni sa pe gbo, pe sho,  
pe yen na mbele tilele na kee pe gbosaga, pe sho.

<sup>12</sup> Nakoma, na ma ka yo fɔ: «Mi sila ki jɛn!»  
Kona ɲa wi maa senwee wi nawa pi cancan na  
wele, wo sege yan wi le?  
ɲa wi yen nɔɔ yinwege ki kɔrɔsi, wo sege jɛn wi  
le?



Wi yaa ka senwee nungba nungba pyew wi sara  
mbe yala wi kapyege ki ni.

13 Na pinambyo, senrege ki ka, katugu ki yen ma  
yon;

senrege sheshege ki ma tanla wa ma yon.

14 Ki pyelomo nungba pi na, ki jen ma yo fo  
kajenme pi yen ma yon fun wa ma kotogo  
na,

na ma kaa ta, pi yaa ma wogo ki yon goto;  
ma jigi wi se kon ma na.

15 Maga ka pye lepee mbe sa lara mbe lesinje wi  
sige wa wi go yon ki na;

maga si kaa censaga ki jogo wi yeri;

16 katugu lesinje wi mbe ya to sa gbon tosaga  
koloshyen, een fo wi yaa si yiri ki ni fuun  
ki na,

een fo na jogo ka to lepee wi na, wi ma ko wa  
ki ni.

17 Na ma jugu wi ka to, maga kaa yogori wi na;  
na wi ka si kurugo, ki ka kon nawa pi yinngi  
ma na.

18 Nakoma Yawe Yenjele li kaga yan ma, ki yaa  
li mben;

pa kona, nanngbanwa mba pila pye li ni ma jugu  
wi ni, li yaa pi ko.

19 Maga ka nawa ngban kapege pyefo wi kala na,  
maga kaa yege yinrigi lepee pe na;

20 katugu lepee wi goto wi se yon,

lepee wi yinwege ki yen paa fitanla yen, na wi  
yaa ka figi.

21 Na pinambyo, ta fyε Yawe Yenηele li yege  
 konaa wunlunana wi yege,  
 maga ka pinle leele mbele pe yiri ma je pe ni;

22 katugu jɔgɔwɔ pi yaa fo mbe to pe na;  
 Yawe Yenηele lo naa wunlunana wi ni pe yaa  
 jɔlɔgɔ n̄ga wa ma na, ambo wi mbe ya ko  
 jen?

23 Senre ta yege nda, ma yiri wa kajenmbele pe  
 yeri.

Mbe lere wa mbɔnrɔ wa na kiti kɔngɔ na,  
 ki woro ma yɔn.

24 Lere n̄a wi ma lepee wi pye fɔ: «Ma yen ma  
 sin!»

Janwa wi yaa wi danga,  
 leele pe yaa wi mege ki pen.

25 En fɔ lere n̄a wi ma kapege pyefɔ wi jeregi, ki  
 fɔ wi wogo ki yaa yɔn,  
 wi yaa duwaw naa metanga ta leele pe yeri.

26 Mbe yɔn sogomɔ kan lere yeri nawa jembe ni,  
 ko ki maga naga ma yo ma yen weenre jende na  
 ki fɔ wi ni.

27 Ma tunndo ti gbegele mari yala wa funwa na,  
 mɔɔ keere tunndo ti gbegele mari yala,  
 ko pungo na, ma mbe ya mbɔɔn go ki kan.

28 Maga ka sereya pee yo mbe taga ma lewee  
 yenle wi na go fu,  
 maga ka lere fanla mboo pungo ma senre ti ni.

29 Maga ka yo fɔ: «Ŋga wì pye na na, ko yongo mi yaa pye wi na fun; mi yaa ŋga wì pye na na ki fɔgo tɔn wi na.»

*Ŋga tiyanra ti maa piin*

30 Mìla toro tiyanra wa kere tanla, konaa tijinliwe fu fɔ wa ereren kere tanla.

31 Mbe ka wele, a mì si wuuro yan tì fi kere ti lagapyew ki ni, yan pege la fi ma lagapyew ki tɔn; sinndæere mbogo ŋga paa kan mari maga, kila toori.

32 Ŋga mìla yan, a mì si jatere pye ki na jenge, a ki si nagawa kan na yeri.

33 Mbe wɔnlo jenri, mbe wɔnlo mbe tigi jenri, mbe sinle mbɔɔn keyen yi migi yi yee ni,

34 na maga koro ko na, fyɔnwɔ pi yaa ka to ma na mbɔɔn fo paa yoo yen, jɔlogo ki yaa ka pan mbɔɔn fo paa benjanri pyefo yen.

## 25

*Ki daga paa wunluwo wi gbogo*

1 Wunlunana Salomɔ wi yomiyegELE keke yegELE ŋgele; Zhuda tara wunlunana Ezekiyasi wi sewe yɔnlogofenne poro paa ke gbogolo ma ke yɔnlogo.

2 YenɲELE li gbogowo po yen mbe kagala keke lara, EEN fɔ mbaa kagala ke cancan, ko yen wunlunana wi gbogowo.

3 Naayeri wi yagawa pi se ya jen mbe ko, tara ti tijuguwo pi se ya jen mbe ko;

ki pyelomɔ nunɗba pi na fun, wunlunaɗa wi  
nawa jatere wi se ya cancan mbe jen.

<sup>4</sup> Na warifuwe wi fyongɔ ki ka jogo mbe wɔ wi  
ni,  
kona warifuwe gbonfɔ wi ma ya ma leyaraga ka  
gbegele wi ni.

<sup>5</sup> Na paga lepee wi purɔ mboo wɔ le wunlunaɗa  
wi tanla,  
wi wunluwɔ pi yaa yeresaga ta kasinɗge pyege  
ki fanɗga na.

<sup>6</sup> Maga ka ma yeɛ gbogɔ wunlunaɗa wi yeɛɛ  
sogɔwɔ,  
maga ka ma yeɛ tege legboɔɔ censaga.

<sup>7</sup> Poon yeri pe yo fɔ: «Yiri ma pan ma cen laga  
yeɛɛ, laga censagboɔɔ nɗa ko ni,  
ko mbonro poon tifaga fanɗga fɔ wa yeɛɛ na ko  
na.»

*Pyelomɔ jembe*

*konaɗa senre yolomɔ jembe*

<sup>8</sup> Nɗa mɔ yan ma yengele ke ni,  
maga ka fogolo mbe saga yo kiti konsaga.  
Na lere wa yeɛɛ ka yiri mbege naga fɔ tanga  
woro ma yeri,  
pa ma yaa ki pye meɛ san?

<sup>9</sup> Na kala la ka ye mboro naa ma lewee yenle  
ye sogɔwɔ, mali yeɛɛ wɔ mboro naa wo  
sogɔwɔ;

ɛɛn fɔ maga ka lere wa yeɛɛ nɗundo senre yo.

<sup>10</sup> Nakoma na ki fɔ wi ka kaga logo, wi yaa ma  
tegele,

ma mepenge ki yaa koro mbaa yinri.

11 Senre jende nda ti yo ti yosanga na,  
ti yen kagbogo yon paa pomu tige pire yanlere  
yen, nda pe te tege mari gbegele, mee ti  
fere warifuwe ni.

12 Kajenje wi yerewe senre ti yen kagbogo yon  
wa ti logofa wi nungbolo  
paa te nungbolo naa te fereyaara yen.

13 Yarilire konsanga ni, sanga na ni laga ki weri,  
tonyinme pi ma nayinme kan yeye nga na,  
ki pyelomo nungba pi na fun, pitunjo na wuu  
tunjo ki pye ki kologo ki na, pa wi ma  
pye ma wi tunvo wi kan,  
wi ma nayinme kan wi kundigi wi yeri.

14 Lere na wi maa wi yee gbogo naga yuun fa wi  
maa yarikanra kaan leele yeri, mbe sigi ta  
wi woro naga piin,  
ko fa wo yen paa Yenjele wowa naa tifelege yen,  
nda tii pan tisaga ni.

15 Na ma kaa kagala kunni ma yee ni, ma mbe ya  
mbe fannga fa wi jatere wi kannga wi na;  
sentanra ti ma ya ma lere na wuu kala li yerege  
laga nungba wi nawa pi kannga.

16 Na maga senrege ta, nga ki yaa yala ma ni, ma  
ko ka;  
nakoma, na maga ki ka mbe tin mbe toro, pa ma  
yaa ki tuguru.

17 Maga ka koro mbaa kee wa ma cɛnyɛnlɛ wi go sanga pyew†,

nakoma wi yaa ka te ma ni, maa mbɛn.

18 Lere ɲa wi ma yagbogowo sɛrɛya yo ma taga wi lewee yɛnlɛ na,

ki ma tipege pye paa simbinɛ, nakoma tokobi, nakoma wanga yɛn, ɲga pɛgɛ yɔn ki wɔ.

19 Mbɔɔn jigi wi taga nambara fɔ na kanɓbanga sanga ni,

ki yɛn tijinliwɛ fu kala paa yɛgɛ ɲga lere ma kaa na kaa wi ɲganla na li yɛn na yɛgɛyɛgɛ li ni, nakoma wi ma jiige wi jele na wi yɛn na sege li na.

20 Mbaa nayinmɛ yuuro koo lere ɲa wi nawa pì tanga wi na wi kan,

ki yɛn tijinliwɛ fu kala paa yɛgɛ ɲga na lere ma tondara wɔ wi yɛɛ na were sanga ni, nakoma mbe vinegiri wo sagbanga na†.

21 Na funɓo ka pye ma jugu wi na, maa kan wi ka;

na wɔgɔ ka pye wi na, maa kan wi wɔ.

---

† 25:17 25:17: Wa Zhufuye pe yeri mbe koro mbaa kee wa ma cɛnyɛnlɛ wi go sanga pyew ki woro ma yɔn. † 25:20 25:20: ɲga ki yo fɔ: *Mbe vinegiri wo sagbanga na*, Yɛnɲɛlɛ sɛnrɛ sɛwɛɛlɛ pele ni, ki yɛn ma yɔnlɔgɔ fɔ: Mbe vinegiri wo gbannɓa na.

22 Na ma kaa ki piin ma, kona kɪ cɛn ndɛɛ ma  
yɛn na kason nanɗanra gbogolo wa wi go  
ki na†.

Yawe Yenɗele li yaa ka tɔnli kan ma yeri.

23 Yɔnlɔ parawa kameɗɗe keɛ tifeleɗe ki ma pan  
tisaga ki ni fyelɗe na yeɗe ɗga na†,  
yɔn ɗga ki maa finlele larawa, pa ki maa leele  
nawa ɗgbanni ma.

24 Maa wɔnlɔ wa birigo ki go na logologo wa ni,  
ko mbɔnrɔ ma pye go nungba ni jele malinɗagara  
winfo wi ni ko na†.

25 Tɔnyinme pi ma kajɗɗe pye lere ɗa wɔɔ wi  
yigi wi kan yeɗe ɗga na,  
sentanra nda ti ma logo ma yiri taleere ni, pa ti  
ma pye ma.

26 Lesinɗe ɗa kaa yeɗe yaga lepee wi fanɗga ta wi  
na,  
wi ma pye paa pulugo tɔnmɔ mba pɪ tɔngolɔ pi  
yɛn, nakoma kolɔ tɔnmɔ mba pɪ jɔɔ pi  
yɛn.

27 Mbe senreɗe ki ka mbe sa toro, ki woro ma  
yɔn;  
mbaa ki lagajaa paa ma gbogo, ki woro ma yɔn.

---

† 25:22 25.21-22: Ko ki naga ma yo na ma kaa ki piin ma, ma  
yaa ka fere wa wi na (Oromu 12.20). † 25:23 25.23: Wa ki tara  
ti ni, tifeleɗe ki ma kaa fo ma yiri wa yɔnlɔparawa kameɗɗe keɛ  
yeri, ma pan tisaga ni, ɗga ki ma ya ma jɔɔwɔ pye. † 25:24  
25.24: Yomi 21.9

28 Lere ɲa wila ya mboo yɛɛ yigi,  
wi yɛn paa ca yɛn, ɲga ki yɛn yɛnɛgɛ, malaga  
sigembogo woro maga maga.

## 26

### *Lembigewe kala*

1 Were tii daga kafugo sanga ni,  
tisaga kii daga yarilire kɔnsanga ni;  
ki pyelomɔ nunɲba pi na fun, gbogowɔ pii daga  
lembige ki ni paa ki gbogo.

2 Karikana li ma yiri ma kari yɛgɛ ɲga na,  
nakoma ndine li ma yiri sire na na toro yɛgɛ ɲga  
na,  
ki pyelomɔ nunɲba pi na, maga lere danɲa go  
fu, ki ma toro kila wi yigi.

3 Sapige ki daga shɔn wi ni, karafe wi daga sofile  
wi ni,  
gbɔnkannɲala li daga lembige ki pɔgɔɔ ke ni  
mbege koro.

4 Maga ka lembige ki yɔn sogo mbe yala ki  
lembigewe senyogo ki ni,  
nakoma ma yaa ka pye mbe yala ki ni.

5 Lembigewe ki yɔn sogo mbe yala ki lembigewe pi  
ni,  
nakoma ki yaa la ki yɛɛ jate kajɛnɲɛ.

6 Lere ɲa ka tijinliwɛ fu fɔ tun tunɲo ni,  
ki fɔ wì lembigewe kala pye, paa yɛgɛ ɲga lere  
ma kaa wi yɛɛra tologo ki kɔn we,  
katugu wi yɛn na kanɲbanra lagajaa wi yɛɛ kan.



7 Jejoḡolo fɔ wi jele li ma pye fanḡga fu yeḡe ḡga na,  
ki pyelomɔ nuḡgba pi na, yomiyele li woro fanḡga ni wa lembige ki yɔn.

8 Mbe lembige ki gbɔḡo,  
ki yen paa yeḡe ḡga na lere ma sinndeleḡe pɔ gbafurugo na mbe si yo wi yaa ki wa.

9 Yomiyele li ma pye wa lembige ki yɔn  
paa wuuro sanwiga ma kaa pye sinwɔɔ wi kee mbe gbɔn.

10 Lere ḡa wi ma lembige ki le tunḡgo na,  
nakoma mbe torofɔ wa le tunḡgo na,  
wi yen paa sandiga fɔ yen, ḡa wi yen na lere pyew wi weḡeḡi.

11 Yeḡe ḡga na pyɔn wi ma songɔrɔ wi tuguro ti kɔrɔḡo nari kaa†,  
ki pyelomɔ nuḡgba pi na, lembige ki ma songɔrɔ mbaa ki lembigewe kapyere ti piin.

12 Na maga lere yan wi yen naa yeḡe piin kajenḡe,  
kona mɔɔ jigi wi taga lembige na ko mbɔnrɔ ma we wo na.

### *Tiyanna kala*

13 Tiyanna wi ma yo fɔ: «Cenge yen wa konɔ!  
Jara yen wa ca nawa konḡolo ke ni!»

14 Yeḡe ḡga na kɔrɔ pyɔ wi maa sunrugu sunrugu wa sariyenye pe na,

---

† 26:11 26:11: 2 Pye 2.22

pa tiyanṅa wi maa sunrugu sunrugu wa wi  
sinleyaraga ki na ma.

15 Tiyannṅa wi maa kɛɛ ki le wa sogbolo li ni,  
ɛɛn fɔ mbege sɔngɔɔ mbe kari ki ni wa yɔn ki  
yeri, wi maga yan ki yen tege ni.

16 Tiyannṅa wi maa wi yɛɛ jate wi yen kajenṅe  
ma wɛ leele kolɔshyen na, mbele pɛ yɔn sogomɔ  
kanga jɛn tijinliwɛ ni.

*Maara kɔnfɔ wi kala*

17 Torofɔ ṅa wi maa yɛɛ le malaga ka ni, ṅga ki  
woro wi wogo,  
wi yen paa lere wa yen, ṅa wi ma pyɔn yan  
wila toro, mbe si yo wi yaa wi yigi wi  
nunḡbogolo ke na.

18 Yarafɔ wi maa kason sumboyuro ti waa,  
na wangala ke wɔnni, na legbogo kagala piin  
yɛgɛ ṅga na,

19 lere ṅa wi maa lewee yenle wi fanla mboo  
punḡo,  
mbe si sɔngɔɔ mbe yo fɔ: «Sagbasi m̀ pye na  
waa ma ni;» pa ki fɔ wi yen ma.

20 Na kanḡgire ti ka kɔ wa kason ki ni, ki ma figi;  
ki pyelomɔ nunḡba pi na fun, na lesangara fɔ  
woro wa, malaga ki ma kɔ.

21 Nanḡanra ti kaa yiin ti ma pye kason  
nanḡanra,  
kanḡgire ti maa yiin ma pye kason;

ki pyelomɔ nungba pi na fun, maara konfo wi  
maa malaga ki seregi.

22 Lesangara fo wi yon senre ti yen paa sutanra  
yen,

nda ti ma tigi ma ni fo ma gbɔn wa latiire ti na.

23 Yon sentanra yofɔ na wi nawa pi yen ma pe  
wi na,

wi yen paa pe ma kaa warifuwe na fire ni wa  
yan mboo fa joro cɔgɔ na.

24 Lere na wi maa leele panra, wi maga lara wi  
yon senre ti ni,

mbe sigi ta tipewe po pi yen wa wi kotogo na.

25 Ali na wi kaa yon senre ti tanla yege o yege,  
maga ka taga wi na;

katugu jatere tijangara legere ti yen wa wi nawa.

26 Wi mbe ya mboo lepanraga ki lara wi tijinliwe  
pee pi ni;

ɛen fo wi tipewe pi yaa ka yiri funwa na janwa  
wi yege na.

27 Lere na ka titege wo lere mege ni, wo jate wi  
ma kaa to wa ki ni;

lere na kaa sinndelege kongi mbege wa lere na,  
ki ma kaa songoro ma to wo yee jate na.

28 Yagboyoo wi ma finlele ma ye leele mbele ni,  
wi ma pe panra fun;

yon nga ki maa leele lele, ki maa jogowo piin.

## 27

*Yomiyegele kele yegε*

<sup>1</sup> N̄ga ma yaa pye goto, maga kaa ma yεε gbogo  
ki wogo na;  
katugu n̄ga ki yaa pye nala yεε, ma sigi jεn†.

<sup>2</sup> Ki yaga lere wa yεge mbaa ma s̄onni, mboro  
yεε ka kaa ma yεε s̄onni;  
lere wa yεge mbege pye, ki ka ka yiri wa mboro  
yεε jate ma ȳon.

<sup>3</sup> Sinndεlege ki ma nugu, taambugo fun ki yen  
ma nugu;  
εen f̄o tijinliwε fu f̄o wi ma gbu n̄a tεge lere ni,  
wi ma nugu ma wε ki yaara shyen ti na.

<sup>4</sup> K̄onr̄o tendorogo ki yen ma tijanga f̄o jεn̄ge,  
nan̄gbanwa pi yen paa lafogo yen n̄ga ki  
yin, ma jaraga;  
εen f̄o ambo wi mbe ya yere mbe yenjaga winf̄o  
wi sige?

<sup>5</sup> Lere mb̄oon jεregei nawa jεmbε ni,  
ko mb̄onr̄o wεenrε nda ti m̄oo jεregeisaga ki lara  
ma na to na.

<sup>6</sup> W̄onl̄o n̄a wi m̄oo jεregei kaselege na, ko maga  
naga f̄o wi yen sinn̄ε ma ni;  
εen f̄o ma jugu wi kεε wa ma ȳol̄ogo mb̄oon shari,  
ko yen nambara wogo.

<sup>7</sup> Lere n̄a wi yen ma tin, wi ma je s̄enrege na;

† 27:1 27.1: Zhaki 4.13-16

εεν ƒo funƒo ƒo wo na, yaraga pyew ki ma pye  
ma tanla, ali nga ki yen ma sori.

<sup>8</sup> Lere ɲa wi ma yiri na yanri, ma lali wi to ca ki  
ni,  
wi yen paa sannjele na li yiri ma kari lege, ma  
lali li sere ti ni li yen.

<sup>9</sup> Sinme nuwo taan naa wusuna nuwo taan yaara  
ti ma nayinme kan senwee wi yeri;  
εεν ƒo weenre ti tanwa pi ma nayinme kan ma  
we ko na.

<sup>10</sup> Maga ka ma wonlo wi wa, nakoma ma to wi  
wonlo we;  
kanɓanga ka gbɔn ma na sanga ɲa ni, maga ka  
kari ma nɔsepyo wi korogo wa wi go;  
katugu ma cɛnyenle ɲa wi yongo ma ni, wi ma  
mbɔnrɔ ma nɔsepyo ɲa wi yen ma lali ma  
ni wi na.

<sup>11</sup> Na pinambyo, pye kajenje mala nawa pi  
yinngi na na;  
ki ka pye ma, lere ɲa kaa na tifaga, pa mbe ya  
mboo yɔn sogo.

<sup>12</sup> Lere ɲa wi jilige, wi ka kapege ki yan kila paan,  
wi ma lara;  
εεν ƒo kambajenje wo ma kapege ki yan, ma saa  
ye wa ki ni, ma jologo ta.

<sup>13</sup> Na lere wa ka yere letelewe wa fogo go kala  
ni, ki lerefo wi derege ki sho wi yeri maga  
tege fogo ki yonlo;

na wi ka yere nambannjo wa fogɔ go kala ni,  
 yaraga ka sho ki lerefɔ wi yeri maga tɛgɛ  
 fogɔ ki yɔnlɔ.

14 Na lere wa ka sa wi cɛnyenle shari magangbɔlɔ  
 ni yirifaga na,  
 ki ma jate ndɛɛ danɔa yi.

15 Jelɛ malinjagara winfɔ wi yen paa  
 go nɔa ki ma koro na soolɔ, na tisaga kaa paan  
 we.

16 Na lere nɔa kaa jaa mboo yerege wi malinjagara  
 ti na, ki ma cɛn ndɛɛ tifeleɛge ko wila jaa  
 mbe yerege,  
 nakoma wila jaa mbe sinme tɔnmɔ yigi wa wi  
 kendala.

17 Tugurɔn to ti ma tugurɔn ti yo mberi yɔn ki  
 tanla;  
 ki pyelɔmɔ nunɔba pi na, senwee wi ma wi  
 senwee yenle wi kan tijinliwe ni.

18 Lere nɔa kaa wi figiye tige ki gbegele, wi ma kaa  
 ki pyɔ wa ka;  
 lere nɔa kaa wi tafɔ wi gbegele, pe ma kaa wi  
 gbɔgɔ.

19 Ma kaa wele tɔnmɔ, ma maa ma yɛɛ yɛge ki  
 yaan wa cɛ;  
 ki pyelɔmɔ nunɔba pi na, na maga ma senwee  
 yenle wa nawa jatere cancan mbe wele,  
 ma mɔɔ yɛɛra jogo wi jɛn.

20 Yege nga na kuulo tara to naa wege tijugo ki ni, ti fa yin mbege yan, ki pyelomɔ nunɗba pi na, senwee wi yege na tin yaara welege na.

21 Pe ma warifuwe wo naa te wi ni ti le kason mberi yan mberi tiyonwo pi jen; ki pyelomɔ nunɗba pi na, sonmɔ mba pe maa senwee wi sonni, po pi maga naga wi yen yege nga na.

22 Ali na ma ka kambajenje wi le sugulo mboon sun paa yarilire ti yen, wi kambajenme pi se ya laga wi na.

23 Ma daga mboon yaayoro ti cenlomɔ pi jen jenge, ma jatere wi pye ma yaayoro ngbeleye yi na jenge;

24 katugu penjagboro tila koro lere yeri fo sanga pyew, wunluwo pila koro mbaa kaan setirige nunɗba piile yeri.

25 Yan ki kon maga wo, na yan fonngo ki kaa yinrigi, ma yaa yan waga ki koli wa yanwira ti na.

26 Ma mbe ya mbaa ma yariporo ti gbegele ma simbaala pe sire ti ni, mbaa ma sikapene poro pere, mbe kere fonndo lo.

27 Nono legere na wi maa taa wa ma sikaneele pe ni, maa pye ma yaakara, naa ma go woolo pe yaakara,

konaa maa ma tunmbyeele jεεε pe kala yongo  
wi ni.

## 28

<sup>1</sup> Lepee wi maa fee ali mbege ta lere woro naa  
puro;

εεn fɔ, lesinɲε wi ma taga wi yεε na paa jara  
yirifɔnɲɔ yεn.

<sup>2</sup> Na tara woolo paga yiri mbe je, teele pe ma lεge,  
εεn fɔ na tijinliwε fɔ naa kagala kɔrɔ jεnfɔ ka  
pye wa, tara ti ma yeresaga ta ma mɔ.

<sup>3</sup> Kundigi ɲa wi yεn fyɔnwɔ fɔ, mεε fyɔnwɔ fɔ wi  
yigi kala li tijanga,  
wi yεn paa tisagbɔgɔ ɲga ki ma pan ma yarilire  
ti jɔgɔ ki yεn.

<sup>4</sup> Leele mbele pe ma je Yεnɲεε li lasiri wi na,  
poro maa lepee pe sɔnni;  
εεn fɔ mbele pe maa tanri lasiri wi na, poro maa  
wiin lepee pe ni.

<sup>5</sup> Lepee paa kasinɲge ki kɔrɔ jεn;  
εεn fɔ mbele pe maa Yawe Yεnɲεε li lagajaa,  
poro ma ki ni fuun ki kɔrɔ jεn.

<sup>6</sup> Fyɔnwɔ fɔ ɲa wi nawa pi yεn ma filige wi na,  
wi mbɔnrɔ  
penjagbɔrɔ fɔ ɲa wi yεn na tanri konɔ na li kolo  
li na wi na.

<sup>7</sup> Pyɔ ɲa wi maa tanri Yεnɲεε li lasiri wi na, wo  
yεn tijinliwε fɔ;



εεν ƒo pyo ηa wi maa yeε pinle kalikali pyefenne  
pe ni, wi maa fere waa wi to wi na.

<sup>8</sup> Lere ηa wi maa leele jinni penjara ni na tɔnli  
gbɔɔ jaa ti go na, janjo mbe ka taga wi  
penjara ti legewe pi na,  
wi maa ti gbogolo, ti ma kaa pye lere wa yege  
woro, ηa wi maa fyɔnwɔ fenne pe yinriwe  
taa.

<sup>9</sup> Lere ηa wi maa nungbogolo ke tɔn, janjo wiga  
ka ta mbe lasiri wi senre ti logo,  
ki ƒo wi Yenjele yenrewe jate pi ma pye yariti-  
jaanga.

<sup>10</sup> Lere ηa wi maa lesinmbele pe punngu na pe  
nii kombege,  
ki ƒo wi yaa to wa wege ηga wo jate wɔ kɔn ki ni;  
εεν ƒo, lesinmbele poro yaa ka ferewe ta korɔɔ.

<sup>11</sup> Penjagbɔɔ ƒo wi maa wi yeε jate wi yen  
kajenje,  
εεν ƒo fyɔnwɔ ƒo tijinliwe ƒo wi mbe ya mboo fo  
furu.

<sup>12</sup> Na lesinmbele paga cew ta, ki ma pye yɔgɔrimɔ  
gbɔɔ;  
εεν ƒo na lepeele poro ka fannga ki ta, lere pyew  
wi maa wi yeε go jaa.

<sup>13</sup> Lere ηa wi maa wi kajɔgɔɔ ti lara, wi  
kapyegele kaa la yɔngɔ;

εεν ƒo lere ηa wi ma yere wi kajogoro ti na, mberi  
yo konaa mberi yaga, Yennele li ma ki ƒo  
wi yinriwe ta.

14 Lere ηa wi maa fyε mbe tipege pye, fεrεwe yen  
ki ƒo wi woo!  
εεν ƒo lere ηa wi maa kotogo ki ηgban wi yeε  
na, jolo go yaa to wi na.

15 Na lepee ka cen tegere ti na fyonwo fenne pe  
go na,  
wi ma pye paa jara ηa wi yen na kuunru wi yen,  
nakoma paa cenge urusi ηga fungo ki yigi  
ki yen.

16 Kundigi ηa ka pye tijinliwe fu ƒo, wi kambasin-  
nde to ti ma lege;  
εεν ƒo tonli ηa wi ma ta nambara ni, wi yen ma  
lere ηa mben, wo yaa yinwetonlogo ta.

17 Lere ηa wi lere gbo, a kila wi jolo wa wi nawa,  
wi maa fee mbe sa to wa wi yeera fanga ki ni.  
Lere kpe ka kaa yerege.

18 Lere ηa kaa tanri wi nawa pi ni pi filige wi na,  
wi yaa sho;  
εεν ƒo lere ηa kaa kongolo shyen tanri, ηgele ke  
koolo koolo, ki kosaga wi yaa ka to nungba  
ni.

19 Lere ηa wi maa wi kere ti fali, wi maa yaakara  
taa suyi;

εεν ƒo lere ηa wi maa go fu kagala piin, fyonwo  
pi yaa to wo na suyi.

20 Lere ηa pè taga wi na, wi yaa duwaw legere  
ta;  
εεν ƒo lere ηa wila ki jaa mbe pye penjagboro ƒo  
fyaw, wi se ka koro mbajolowo.

21 Mbe lere wa mbonro wa na kiti kongo na, ki  
woro ma yon;  
ma si yala pele ma kapege pye ki wogo ki na  
singbele nungba kala na.

22 Yege mbatinwe ƒo wi maa gbinri penjara ti na,  
εεν ƒo wila ki jen mbe yo ƒo fyonwo yaa ka to wi  
na.

23 Na lere wa kaa lewee yenle wa jeregi wi  
punnguwo na,  
ki lereƒo wi kala li ma kaa songoro maa ndanla  
ma we ηa wi maa wi lele naa fanla wi na.

24 Lere ηa wi maa to nakoma wi no wi yu mbe  
sho ƒo kapege ma,  
ki ƒo wi yen jogowo pyefo wi pinleyenle.

25 Lere ηa wi maa yege tungu leele na, wi maa  
maara koon;  
εεν ƒo lere ηa kaa jigi wi taga Yawe Yenηele li na,  
wi yaa yarijende legere ta.

26 Lere ηa wi maa jigi wi taga wi yera nawa  
jatero wi na, ki ƒo wi yen lembige;

εεν ƒo ηa wi maa tanri na yala kajenme pi ni, wo  
yaa ka sho.

<sup>27</sup> Lere o lere wi maa fyonwo fenne pe kaan, wo  
se ka yaraga ka la;  
εεν ƒo lere ηa wi woro na jaa mbaa fyonwo fenne  
pe yaan, danga yaa wo yigi.

<sup>28</sup> Na lepeele paga fannga ki ta, lere pyew wi maa  
wi yee go jaa;  
εεν ƒo, na paga laga wa fannga ki na, lesinmbele  
pe ma lege.

## 29

<sup>1</sup> Lere ηa pe yeri yerewe legerε ni, a wuu  
nunḡbolo li ḡban ma je pi na,  
ki ƒo wi yaa ka tongo mbe wo wa yonlo nunḡba,  
were se ka ta wi kala li na.

<sup>2</sup> Na lesinmbele paga lege†, tara woolo pe maa  
yogori;  
εεν ƒo na lepeele paga cen fannga ki na, tara  
woolo pe maa jeen jologo ki kee.

<sup>3</sup> Lere ηa kajenme pi yen maa ndanla, wi maa to  
wi nawa pi yinḡi;  
εεν ƒo lere ηa wi maa kee nanjaala korogo, wi  
maa yarijende ti jogo.

---

† 29:2 29.2: Nga ki yo ƒo: *Na lesinmbele paga lege*, Eburuye  
senre ti ni ki mbe ya logo fun ƒo: *Na lesinmbele paga cen fannga  
ki na*.

<sup>4</sup> Wunlunaṅa ṅa wi maa wi wunluwo pi piin na kasinṅge piin, wi tara ti ma yeresaga ta;   
 ɛɛn fɔ ṅa wi ma nizara woḡo ki ṅgban tara woolo pe na, wo ma tara ti joḡo.

<sup>5</sup> Lere ṅa wi maa wi lewee yenle wi lele,   
 ki fɔ wi yen na mere jaan wa wi yee yegɛ.

<sup>6</sup> Lepee wi kajogoro ti ma pye penɛ wi na,   
 ɛɛn fɔ lesinṅe wo maa nayinme nii na yogori.

<sup>7</sup> Lesinṅe wi ma ṅga ki daga fyɔnwɔ fɔ wi ni ki jɛn;   
 ɛɛn fɔ lepee wila ko jɛnme po ta.

<sup>8</sup> Mbele pe maa tegɛ leele na, pe ma ca ki gbɔn mbege piri;   
 ɛɛn fɔ mbele pɛ kala jɛn, poro ma ca woolo pe nanḡbanwa pi sogo pe na.

<sup>9</sup> Na kiti kɔnkala ka ye kajɛnṅe wo naa kambajɛnṅe wi ni pe soḡowo,   
 kambajɛnṅe wi mbe ya nawa ṅgban nakoma mbaa tegɛ, ɛɛn fɔ wi se yeyinṅe ta wa ki kala li ni.

<sup>10</sup> Lere ṅa wi nawa pi yen ma filige wi na, legboleele pe maa panra;   
 ɛɛn fɔ lesinmbele poro maa pye pe cɛnyɛnle.

<sup>11</sup> Lembige ki maga nanḡbanwa kapyere ti ni fuun ti naga kpɛnḡbelɛnḡbe;

εεν ƒo kajenje wo maa nangbanwa pi yingiwε  
jen mboo sogo.

12 To ηa kaa yagbogolo senre nuru,  
wi tara legboolo pe ni fuun pe ma pye lepeelee.

13 Fyonwo ƒo wo naa ηa wi maa nii fyonwo ƒo  
wi go na wi ni, kala nungba li yen ma pe  
pinle, lo yen ƒo:  
Yawe Yenηele li yengele kan pe ni fuun shyen pe  
yeri mbaa yaan.

14 Wunlunaja ηa wi maa fyonwo fenne pe kiti  
wi koon na kasinnye piin,  
wi wunluwo pi ma yeresaga ta ƒo sanga pyew.

15 Korowo gbɔnro to naa yerewe senre ti ni, ti ma  
kajenme kan lere yeri;  
εεν ƒo pyo ηa ka koro wi yeε na, wi ma fere wa  
wi no wi na.

16 Na lepeelee paga lege, kapere pyege ki ma lege;  
εεν ƒo pilige ka, lesinmbele pe yaa ka lepeelee pe  
yan pe yen na tuun.

17 Ma pyo wi koro jenge, pa kona wi yaa ka  
yeyinnye kan ma yeri,  
mboon nawa pi yinngi ma na.

18 Na Yenηele li yon senre ti kanagala woro wa  
(mbaa leele pe yeregi),  
tara woolo pe tangalomo pi ma piri;  
εεν ƒo lere ηa wi maa tanri lasiri senre ti na,  
ferewe yen wi woo!

19 Yɔn senyoro to ɛɛ ma ti ma tɛgɛ ma kulo wi koro,  
katugu, ali na wi kari logo mbe wali ti na, wila tanga ti na.

20 Na maga lere yan, ɲa wi ma para wila jatere pye,  
kona mɔɔ jigi wi taga lembige na ko mbɔnrɔ ma wɛ wo na.

21 Lere ɲa kaga tanla wi kulo wi na mbe sa toro,  
mbege lɛ wa wi punwɛ sanga wi ni,  
ki kɔsaga, wi ma kaa yo wi yɛn wi tafɔ wo pyɔ.

22 Lere ɲa wi maa nawa ɲgbanni jaga jaga, wi maa maara kɔɔn;  
lere ɲa wi kotogo ki yɛn ma gbɔgɔ wi na, wi maa kapere legere piin.

23 Senwee wi yɛɛ gbɔgɔwɔ pi ma kaa wi tifaga;  
ɛɛn fɔ lere ɲa wi maa yɛɛ tirige, wi yaa ka gbɔgɔwɔ ta.

24 Lere ɲa ka yɔn wa nungba yoo ni, wi yɛɛ yinwege ko wɪ panra;  
wi maa dangga ɲga ki yaa to wi na ki senre nuru,  
ɛɛn fɔ wila yenlɛ mbe yoo wi naga.

25 Ma kaa fyɛ senweele pe yɛgɛ, ki ma pye penɛ wa ma tɔɔrɔ ti nɔgɔ;  
ɛɛn fɔ lere ɲa wi maa jigi wi taga Yawe Yenɲɛle li na, tipege se gbɔn wo na.

26 Lelegerɛ pe maa ki jaa pe kala li pe kundigi wi ndanla;  
 ɛɛn fo Yawe Yenɲele lo li ma lere nunɲba nunɲba pyew wi kala li cancan kasiɲɲe ni.

27 Leele mbele pee sin pe kala li yen ma tijanga lesinmbele pe yege na;  
 lesinmbele pe kala li yen ma tijanga lepeele pe yege na.

## **AGURI WO NAA LEMUWELI PE SENYORO**

### **30**

*30-31*

*Aguri wi senre*

<sup>1</sup> Yake pinambyo Aguri wi senyoro ti nda. Senre nda to ki naɲa wila yo Itiyeli wi kan. Wila ti yo Itiyeli wo naa Ukali pe kan.

<sup>2</sup> Ee, mi yen lembige ma we senwee pyew wi na; senwee tijinliwe woro na yeri.

<sup>3</sup> Mi si kajenme pi ta, mba pi yaa ti mbe Yenɲele na li yen kpoyi li jen.

<sup>4</sup> Ambɔ wi lugu ma kari wa yenɲele na, ma yiri wa ma tigi?

Ambɔ wila ya ma tifelege ki yigi maga kuru wa wi kendala li ni?

Ambɔ wila ya ma tonmo pi fo wa wi derigbogo ki ni?

Ambɔ wi tara ti kongolo ke gbon?



Ki fɔ wi mɛgɛ ko yɛn kikiin? Wi pinambyɔ wi  
 mɛgɛ ko yɛn kikiin?  
 Na kaa pye maga jɛn, ki yo!

<sup>5</sup> Yɛnɛlɛ li sɛnrɛ ti ni fuun ti yɛn kaselege,  
 li yɛn paa tugurɔn sigeyaraga yɛn mbele fuun pe  
 ma pe yɛɛ karafa li na pe kan.

<sup>6</sup> Maga ka yaraga ka taga li sɛnrɛ ti na,  
 nakoma li yaa ma jɛrɛgi mbege naga fɔ ma yɛn  
 yagboyoo.

<sup>7</sup> Yɛnɛlɛ, mi yɛn na kagala shyɛn yɛnri ma yeri,  
 maga ka je mbe ke pye na kan sannɪ mbe sa ku.

<sup>8</sup> Nambara sɛnrɛ naa yagbogowo sɛnrɛ ti laga lali  
 na ni;  
 maga kanla pye fyɔnwɔ fɔ mbe sa toro, maga si  
 kanla pye penjagbɔrɔ fɔ mbe sa toro,  
 ɛɛn fɔ yɔn suro nda ti yala na ni mbaa na  
 yinwege ki piin, ma to kan na yeri.

<sup>9</sup> M̀a jɛn na mi ka pye penjagbɔrɔ fɔ mbe sa toro  
 mi yaa ka ya mbe je ma na,  
 mbe yo fɔ: «Yawe Yɛnɛlɛ lo yɛn ambo fɔ?»  
 Nakosima na mi ka pye fyɔnwɔ fɔ mbe sa toro,  
 mi yaa ka ya mbaa yuun,  
 mbe mboro ŋa na Yɛnɛlɛ ma mɛgɛ ki jɔgɔ.

<sup>10</sup> Maga ka sa tunmbyee wa mɛpege yeri wi tafɔ  
 wi kan;  
 nakoma wi yaa ma danɔa, ma yaa soon kajɔgɔ  
 ki go kala li ɛ.

<sup>11</sup> Leele pele yɛn wa, pe ma pe teele pe danɔa,  
 paa si sentanra yo pe nɛɛɛ pe ni.

12 Leele pele yen wa, pe maa pe yεε jate pe yen  
fyongɔ fu,  
mbe sigi ta pe fa pe kapere fyongɔ ki jogo mbege  
laga wa.

13 Leele pele yen wa, pe maa pe yεε gbogo fɔ ma  
saa toro,  
ali yεε pe maa leele pe wele taw.

14 Leele pele yen wa, pe ηgangala ke yen paa  
tokobiye yen,  
pe tugbilala ηgangala ke yen paa gbengele yen;  
pe ma mbele pe yen tege na pe kɔ mbe pe wɔ wa  
tara ti ni,  
mbe fyonwɔ fenne pe kɔ mbe pe wɔ wa senwee  
piile pe sogowɔ.

*Yomiyegεle ηgele ke yen  
na yaara yɔn nari*

15 Sumbonɔ shyen yen kasanwa shonrindɔngɔ ki  
yeri,  
mbele pe maa yuun fɔ: «Ki kan! Ki kan.»

Yaara taanri yen wa, nda ti yenle na tin yaraga  
na,  
ti yεε yen fɔ yaara tijere, nda tila yo fɔ: «Ki yala  
ma!»

16 Kuulo tara re, naa jambasee,  
naa tara nda tonmɔ nari labɔ,  
konaa kason ki ni, ko ηga kila yo fɔ: «Ki yala  
ma!»

17 Lere ηa wi maa tege wi to na,  
konaa mbe je mbaa nuru wi nɔ wi yeri,  
yanwira laforo kaankaanye pe yaa kaa yengεle  
ke sugulo mbe ke wɔwɔ,

yɔn piile pe yaa kaa yoli.

18 Yaara taanri wa, nda tì toro na jɛnmɛ pi na,  
ti yɛɛ yɛn fɔ yaara tijɛɛ, nda mi siri kɔrɔ jɛn.

19 Yɔn wi torokonɔ wa naayeri,  
naa wɔɔgɔ ki torokonɔ wa walaga ki na,  
naa tɔnmɔkɔrɔ ki torokonɔ wa kɔgɔje wi nando-  
gomɔ,  
konaa naɲa wi torokonɔ mbe kari wa sumboro  
wi yeri†.

20 Nandaa wi maa piin yɛgɛ ɲga na koyi yɛɛn:  
Wi ma li mboo yɔn ki turugo,  
mbe sho fɔ: «Mii kapege pye†.»

21 Yaara taanri yɛn wa, nda ti ma ti tara ti ma  
yɛgɛyɛgɛ,  
ti yɛɛ yɛn yaara tijɛɛ nda ti kala li se kun tara  
ti ni.

22 Kulonɲa wi pye wunluwɔ,  
tjinliwɛ fu fɔ wi yarijɛndɛ lɛgɛɛ ta wi tin,  
23 jɛlɛ ɲa wi jogo wii yɔn, wi naɲa ta wi pɔri wi  
yeri,  
konaa kulojɔ wi cɛn wi tafɔ jɛlɛ wi yɔnlɔ.

24 Yaara yɛnwɛrɛ tijɛɛ yɛn laga tara ti na, nda ti  
yɛn ma tunmɔlɔ fɔ jɛɲgɛ,

---

† 30:19 30:19: ɲga ki yo fɔ: *Konaa naɲa wi torokonɔ mbe kari wa sumboro wi yeri* pele maa ki jate ma yo ki sɛnrɛ ti kɔrɔ wi mbe ya logo fun fɔ naɲa naa jɛlɛ pe ma pe yɛɛ ndanla yɛgɛ ɲga na mbe sa gbɔn pe yɛɛ na. † 30:20 30:20: ***Wi ma li mboo yɔn ki turugo, ko kɔrɔ wo yɛn fɔ na wi ka saa naɲgala li pye mbe kɔ, wi ma saa woli jango lere ka kaga jɛn.***

εεν ƒo kajenme gbɔɔ si yen ti yeri jɛɲɛ.

25 Mimbele pe yen yaara cenle na fanɲga woro li ni,

εεν ƒo pe ma pe yaakara ti wulo mari gbogolo yarilire konsanga ni.

26 Yan yaara nda pe yinri damaye†, pe yen yaara cenle na fanɲga woro li ni,

εεν ƒo pe ma saa pe sinlesara ti gbegele wa waliwere ti sɔgɔwɔ.

27 Wunluwɔ woro kambɛere ti go na,

εεν ƒo ti maa yinrigi ɲbeleye ɲbeleye na kee na yala.

28 Lere mbe ya faramandana li yigi kee,

εεν ƒo li ma ye wa wunlumbolo pe wunluwɔ yinre ti ni.

29 Yaara yenwere taanri wa, nda ti tangala lomɔ pi yen ma yɔn,

ti yere yen yaara yenwere tijere, nda ti karilomɔ pi yen ma yɔn.

30 Jara we, wo ɲa wi yen kotogo ni ma we wongaala pe ni fuun pe na,

wila songɔɔ punɲo yaraga ka kpe yege.

31 ɲgopɔɔ we, wo ɲa wi ma yiri ma yere wi tɔɔɔ ti na konaa sikapɔɔ† wi ni;

naa wunlunaɲa ɲa wi ma keli malingbɔɔnɔ pe yege na tanri.

32 Na kaa pye kambajenme pì toro ma ni, ƒo a mɔɔ yeε gbɔgɔ,

---

† 30:26 30:26: Dama wi yen ma yiri polo korogɔ. † 30:31 30:31: Sikapɔɔ ɲa senre ti yo wi ma pye ma yagara ma tɔnɔ, wi tangala lomɔ pi si yen ma yɔn.

nakoma na kaa pye mà jatere pee pye,  
 koni ma daga mboon yon ki ton mbe pyeri;  
<sup>33</sup> katugu na maga nono na wi tanga wi gbɔn, wi  
 ma yiri nono nara;  
 na maga ma numala li tere, li ma kasanwa yiri;  
 na maga nanɔbanwa kala pye, ma ma maara  
 kon.

## 31

*Yerewe senre nda wunlunana  
 Lemuweli wi no wila kan wi yeri*

<sup>1</sup> Wunlunana Lemuweli wi senre ti nda, wi no  
 wila wi naga ma yerewe senre nda yo wi kan tori  
 yeen.

<sup>2</sup> Na pinambyo, mbe yingi yo ma kan san?  
 Na latirige pyo, mbe yingi yo ma kan?  
 Mboro na mi yon folo kon mee ma se, mbe yingi  
 yo ma kan?

<sup>3</sup> Maga kon fannga ki ko jele wogo na,  
 jele mbele pe maa wunlumbolo pe punngu,  
 maga kon yee le pe kee!

<sup>4</sup> Lemuweli, duven wii daga wunlumbolo pe ni,  
 fannga fenne pee daga mbaa sinme welewe  
 lagajaa mbaa woo.

Wunluwo si daga mbaa ko piin.

<sup>5</sup> Nakoma na wi ka wo mbe tin, wi yaa fege  
 kondegengele ke na,  
 mbe mbele fuun pe yen tege na pe tanga ki sho  
 pe yeri.

<sup>6</sup> Ye sinme welewe pi kan lere na wi yen na kee  
 kusaga wo yeri,  
 ye duven wi kan lere na wi nawa pi tanga wi na  
 wo yeri.

7 Wi ta wuu wo wi fege wi fyonwo pi na,  
wi ta wi nawa wo wi tege ki na pew!

8 Mbele senyogo ki yen ma ngban pe yeri, ma  
daga mbe para mbe yere pe ni,  
pe je mbele na, ma daga mbe para mbe yere pe  
ni.

9 Ma daga mbaa para, mbaa kiti sinne koon,  
mbe yere fyonwo fenne naa yungbogoro fenne  
pe ni.

*Jele na wi yen jenne*

10 Amba wi mbe ya mbe jele jenne ta?  
Wi sonngo ki we lagba sonngbanga woo na†.

11 Wi polo wi ma taga wi na fo jenge,  
yarijenge ko ka soo polo wi la wa go ki ni.

12 Wi maa kajenge piin wi polo wi kan,  
wila tipege kpe pye wi na wi yinwege piliye yi ni  
fuun yi ni.

13 Wi ma simbasire naa len jese lagaja,  
mberi tunngo pye wi yera keyen yi ni nayinme  
ni.

14 Wi ma pye paa safari wafenne pe tonmokoro  
tugboro ti yen,  
wi maa yinrigi wi yaakara ti ni lege na paan ti  
ni.

15 Wi ma yiri faa na laga ki fa laga ghen,  
mbe yaakara gbegele wi go woolo pe kan,

---

† 31:10 31:10: Mbege le verise ke woo wi na fo sa gbɔn verise nafa ma yiri ke woo wi na, verise nungba nungba pyew wi le Eburu senre ti senpiile mbele pe ma tege nari yonlogi wo wa ni, maga le wi senpyo kongbannga wi na, wo na pe yinri alefu fo ma saa gbɔn wi pungo woo wi na, wo na pe yinri tavu.

mbe tunndo ti yεε wi tunmbyeele jεε pe na.

16 Wi ma jatere pye kεε ta wogo na, mbe siri lo,  
wi ka tɔnli ɲa ta wa wi tunɲo ki ni, wi maa le  
ma εREN tiire sanri.

17 Wi maa kurujara wi pɔ mbe fanɲa le wi yεε  
ni,

mboo keyen yi ɲɲban tunɲo ki na.

18 Wi maga yan fɔ wi yen na tɔnli leɲere taa wa  
wi safari waga ki ni,

wi fitanla wila figi yembine, (wi maa tunɲo piin  
wi na).

19 Wi ma kaande wi yigi mbaa pinli,

mbaa vaan wi sunrugu wi yombegεε ke ni.

20 Wi maa kεε ki sanga na fyonwɔ fenne pe kaan;  
wi maa kεε ki sanga na mbele pe yen tege na pe  
sari.

21 Were sanga ni, wila la fyε mbe yo were yaa wi  
go woolo pe yigi,

katugu yaripɔɔ liire yen pe ni fuun pe yeri.

22 Wi ma danɲgoolo ti wi yεε kan;

len jese yaripɔɔ naa kondoro yaripɔɔ tiyonɔ  
yen wi yeri fun.

23 Na wi pɔlo wi ka sa cεn wa ca leleεε pe ni, wa  
ca ki mbogo yeyɔngɔ ki na,

leele pe maa wi jate.

24 Wi maa yaripɔɔ tiin nari pεε,

na kurusijaraye gbegele na pe kaan safari  
wafenne pe yeri paa pe pεε.

25 Fanɲa konaa gbɔgɔwɔ pi ni, to ti yen wi  
fereyaara re;

wi maa sɔnri wi goto kala li na, na tege.

26 Wi maa para kajenme ni,

yεεwe senre jende to ti maa yinrigi wa wi yon.

27 Wi maa wi go kagala ke korosi,  
wila la tiyanra piin mbaa wi yon suro ti taa.

28 Wi piile pe ma yiri naa metanga yinri,  
wi polo wi maa wi sonni na yuun fo:

29 «Jeele legere yen wa, mbele pe tangalomo pi  
yen ma yon,  
ɛɛn fo mboro wogo ko we pe ni fuun pe wogo ki  
na.»

30 Wire ti ka pye sara ni ki maa lere fanla,  
tiyonwo pi ma kaa ko,  
ɛɛn fo jele na wi maa fye Yawe Yenhele li yege,  
wo pe yaa ka son.

31 Wi tunngo ki tonli wi daga yoo kan wi yeri;  
ca woolo pe daga mbaa wi gbogo wi tunngo ki  
kala na.



**Bibulu Jinmiire ni  
Sénoufo, Djimini: Bibulu Jinmiire ni Bible**

copyright © 2014 Wycliffe Bible Translators, Inc.

Language: Djimini Senoufo

Contributor: Wycliffe Bible Translators, Inc.

All rights reserved.

2020-11-17

---

PDF generated using Haiola and XeLaTeX on 18 Apr 2025 from source  
files dated 29 Jan 2022

a4863791-1c91-5f31-9a8f-034a18a2f8d8